



# सानसेयारि बड'सा

सानसेयारि "बड'सा" खरीलाइयाव  
स्नाज्यादि जिज्जो लोब्बा थानाय रायथाय, खन्थाय,  
सल, सल'बाथा आरु दावबायादि थावनि, पार्क  
बाइदिनि स्यायाव लिहनाय लिहबिबां दैथाय डर/  
सानसेयारि "बड'सा" खरीलाइया खेबखानावै  
फोस्वावगोब/  
बड'सायाव लिहहरनायनि हुबा खालाम,  
"बड'सा" खरी नोथि, जो बयबो आंगो खालाम/  
सानसेयारि बड'सा मावखुलि  
माइबं नोगोर, जोहोलाव दैमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Tuesday ★ 27 February, 2024 Kokrajhar, BTC, Assam ★ Vol.-33, Issue No.329 ★ R.N.I. Regd.No.40994/91, Assam Govt. Regd.No.IPRD.40/2006/3, ★ Rs.8/-

## उदालगुरिनि हरिसिंगायाव पेरामेडिकेल साइन्स एन्ड नार्सि इन्सटिटुट लुफुनायनि अन्थाइ खाम्फा गाइसनबाय

उदालगुरि, 26 फेब्रुवारी:  
बिटिआर गोजोन गोरोबथाया  
हरिसिंगा ओन्सोलनि राइजो-  
राजाफोरनि गेजेराव लानाने फेदो  
खुसि आरु रंजानायनि मोनसे  
थासारि। बिटिआर गोजोन  
गोरोबथानि गेजेरजो जौगानायनि  
फारसे गोदान आगान जागायदो  
उदालगुरि जिल्लानि हरिसिंगा  
ओन्सोला। बिटिआर गोजोन  
गोरोबथानि गुबुन मोनसे गेदेर  
दफानि गेजेरजो हरिसिंगा  
ओन्सोलाव लुफुजानो  
थांगसिनो। आधिखालनि प्रमद



बर'नि दैदेन्नाय बिटिआर  
सरकारनि नाजानायजो बिटिआर  
गोरोबथानि मोनफोमबो  
दफाफोरखौ मावफु'नो

आखाइयाव लानाया मोनसेनि  
उनाव मोनसे जाफुसारनायनि  
महर लादो। थांनाय 2020  
माइथायनि 27 जानुवारीखालि

जालानाय बर'फोरनि थामथि  
जारिमिनारि गोजोन गोरोबथा  
एबा बिटिआर गोरोबथानि मोनसे  
(□ 5 बिलाइआव)

## जौगाखांनायनि थाखाय सानसे हाबाफारिजो धेमाजियाव मोनसे राइज्योयारि मेल खुंदो

आधिखालनि सरकारा सरासनस्त्रा सुबुंफोरनि गुदि जेंनाखौ  
सुफुंनायाव गोनांथि होदो: डो हिमन्त विश्व शर्मा

दिसपुर, 26 फेब्रुवारी: थागिबि  
हारिनि हा-हुनि मोन्थायखौ रेखा  
खालामनायनि गेजेरजो  
समाजयारि समानथिनि  
बिथिडाव राइज्योखो  
सिगांलाहोनायनि मोनसे गोखो  
थांखिनि बाहागो महरै आसामनि  
गिबि मन्थि डो हिमन्त विश्व  
शर्माआ दिने शिलापटरनि दनी  
प'ल कालसारेल कमप्लेक्सयाव  
खुंनया गेदेर राइज्योयारि मेलयाव



धेमाजि जिल्लानि चिचिबरागव  
बिधान सभा बियाबनि सा  
12,143 सुबुंफोरनो मिसन  
बसुन्धरा 2.0 नि सिडव हानि  
पाट्टा गथायना होदो। गुबुन  
फारसे धेमाजि जिल्लानि  
जौगाखांनायनि गोखेथि जोबोद  
गोखे खालामनायनि थांखिजो  
'जौगाखांनायनि थाखाय सानसे'  
हाबाफारिनि सिडव दिने गुबुन  
(□ 5 बिलाइआव)

## लकसभा बिसायख'थिनि बिजाथि सायख'नायनि थाखाय बिजेपिआ कमिटि दाबाय

गुवाहाटी, 26 फेब्रुवारी:  
लकसभा बिसायख'थिआ  
खुंजानो गेजेराव से खावसे  
दानफोरल' सम दंसै।  
बिसायख'थिनि समा  
खाथिनिफ्राय खाथिसिनाव  
सौफैनाय हिसाबै दासान्दि  
दुलाराय हादतजो लोगोसे  
आसामावबो गुबुन गुबुन  
रजखाथि दोलोफोर बायदि-  
बायदि रोखोमै मेल-सुबुं गौमा  
(□ 5 बिलाइआव)

## कक्राझार सरकारि फरायसालिमाया मुलुगसोलोसालि महरै फोजौखांनायनि आयेन आफादआव गनायथि मोनबाय

दिसपुर, 26 फेब्रुवारी: गोजो  
सोलो थाइनि बिथिडाव  
बड'लेण्ड हालामनि थाखाय  
जोबोरैनो गोजोनथाव रादाव।  
बिटिआरनि राजथावनि  
कक्राझाराव गंसेबाव  
मुलुगसोलोसालि गायसनायनि  
बिखाथिनिथिया दिने जिबाथि  
आसाम आयेन आफादनि  
रांबावजा जथुमनि जोबथा  
सानाव आयेन महरै गनायथि  
मोनबाय। मख'जाथावदि,  
आसाम आयेन आफादनि  
बुथिगिरि बिश्वजित दैमारीनि



मासि सामब्लायनायाव दिने  
आसाम आयेन आफादाव  
कक्राझार मुलुगसोलोसालि  
बिखाथि, 2024 खौ बर'  
रावजो नो गनायथि होनाय  
जायो। आसाम आयेन

आफादनि जारिमिनाव दिने  
मोनसे जाफेरे जाथाइ थामहिनबा  
बर'रावजो नो बिखाथि दैखाना  
आयेन महरै गनायथि होनाया  
थारैनो बर'रावफोरनि थाखाय

जारिमिनारि जाथाय आरो  
बाखनायथाव। कक्राझार  
मु लु ग सो लो'सालि  
बिखाथि, 2024 खौ दैखानाय  
(□ 5 बिलाइआव)

## ढकुवाखनायाव मिसन बसुन्धरा 2.0नि सिडव हानि पाट्टा गथायदो

बिसायख'थि समाव बाथा होनायफोरनि बांसिनानो  
मावफुंजानायनि लामायाव सौफैबाय: गिबि मन्थि

दिसपुर, 26 फेब्रुवारी:  
लक्ष्मीपुर जिल्लानि ढकुवाकाना  
बिधान सभा बियाबनि सिडव  
मिसन बसुन्धरा 2.0 नि सिडव  
दिने सा 11,483 मोनो हाथाव  
मुलाम्पायारिफोरनो हानि पाट्टा  
गथायनायखौ लोब्बा लानाने  
खुंनया हाबाफारियाव आसामनि  
गिबि मन्थि डो हिमन्त विश्व  
(□ 5 बिलाइआव)



## जेब्लासिम आं आसामाव थांना थागोन आसामाव उन्दै बैसोनि जुलिखौ जाहोनाय नडा: हिमन्त विश्व शर्मा

गुवाहाटी, 26 फेब्रुवारी:  
आसामाव मुस्लिमनि जुलि  
आरो तलाक आयेनखौ  
होबथानायनि उनाव  
राजखाथिथयारि दोहो  
सोमजिखंदो। बे राजखाथिथयारि  
दोहोनि अरखिया राइज्योनि  
बिधानसभाफोरवबो सौहेदो।  
बेरखा दोलोआ बे आयदाखो  
सदनआव दैखांदो आरो बे  
केसआव गोखो दावराव जायो।  
बेनि गेजेरावबो गिबि मन्थि  
हिमन्त विश्व शर्मायाबो गोखो  
फिनजाथाय होदो। बिथाडा  
सदनआव जेब्लासिम आं थांना  
दड, अब्लासिम उन्दै बैसोआव  
जुलिखौ जाहोनाय नडा होना



बुडो। बिथाडा बुडोदि, माखासे  
सुबुंफोरा मुस्लिम  
हिन्जासाफोरखौ सिलिखार  
(□ 5 बिलाइआव)

आफादनि जारिमिनाव दिने  
मोनसे जाफेरे जाथाइ थामहिनबा  
बर'रावजो नो बिखाथि दैखाना  
आयेन महरै गनायथि होनाया  
थाारैनो बर'रावफोरनि थाखाय

## हाजो गाखोनायनि फोरेंथाय बादाया खुंफुंजाबाय

कक्राझार, 26 फेब्रुवारी:  
बिटिसिनि गेलेमु आरो लाइमोन  
अन्साय बिफाननि  
बान्जायनायाव सानथामनि हाजो  
गाखोनाय फोरेंथाय बादाया दिने  
खुंफुंजायो। मख'नो गोनांदि,  
बिटिसिनि दरबा जिल्ला फारिये  
- कक्राझार, चिरां, बाक्सा,  
तामुलपुर आरो उदालगुरिनि  
गोबां गेलेगिरिफोरा बाहागो  
लानाय हाजो गाखोनाय  
फोरेंथाय बादायाव साबसिन  
हाजो गाखोगिरि महरै  
उदालगुरिनि चित्रा राज लिम्बु  
आरो बाक्सानि रिफिखां  
बसुमतारिआ सायख'जायो।



मख'नो गोनांदि, रोंग'सार  
फोरेंगिरिजो बिटिसिआव थांनाय  
बोसोरनिफ्राय हाजो गाखोनायनि  
फोरेंथाय होनाय जादोमोन।

बिटिसिनि गेलेमु आरो लाइमोन  
अन्साय बिफाननि मावफुं  
सोद्रोमा दाउबायसा बर'आ हाजो  
गाखोनायनि फोरेंथाय लानो  
थांनाय लाइमोनफोरखो  
(□ 5 बिलाइआव)



कक्राझार सरकारि  
फरायसालिमाखौ  
मुलुगसोलोसालिसिम  
फोजौखांना बिल पास  
खालामबाय  
कक्राझार, 26 फेब्रुवारी:  
कक्राझार सरकारि  
फरायसालिमाखौ  
मु लु ग सो लो'सालिसिम  
फोजौखांनायखौ लानाने दिने  
फरायसा आरो प्रफेसारफोरा  
फरायसालिमानि लांगोनायाव  
फटका बेरफुहोनाने रंजानाय  
कक्राझार सहराव सिगांगोये  
(□ 5 बिलाइआव)

## बरपेटा लकसभा बियाबाव तूनमुल कंग्रेसआ बिसायख'थि गेलेगोन

भवानिपुर, 26 फेब्रुवारी: फेगौ  
लकसभा बिसायख'थियाव बरपेटा  
लकसभा बियाबाव तूनमुल  
कंग्रेसआ बिसायख'थि गेलेगो  
साखा-फारा खालामगासिनो। मख'नो  
गोनांदि, बरपेटा लकसभा  
बियाबाव तूनमुल कंग्रेस दोलोनि  
गुबुन गुबुन थाखोनि दैदेनगिरि-  
मावथिफोर फेगौ लकसभा  
बिसायख'थिखौ लानाने दोलोनि  
थाखाय गोखोडै साखा-फारा  
खालामगासिनो। बरपेटा लकसभा  
बियाबाव तूनमुल कंग्रेस दोलोनि  
बिजाथिनि थाखाय (□ 5 बिलाइआव)



मावफारियाफोरनो थोजासे मुजिर  
रं होये, सुतिनि रं होये, साहा  
बागानाव साहा बिफानि सोलायै

कक्राझार, 26 फेब्रुवारी:  
कक्राझार सदर सोहोरनि कक्राझार  
हिन्जावसा फरायसालिमानि 34  
थि फरायसालिमा सप्ताहआ  
गाजा-गोमजायै खुंजालांबाय।  
फरायसालिमा सप्ताहखौ लोब्बा  
लानाने मोनसे हरिमुवारि लामा  
हान्जा सुरनाय हाबाफारिबो  
खुंनया जायो। बे लामा हान्जा  
सुरनाय हाबाफारियाव बाहागो  
लानाने कक्राझार हिन्जावसा



फरायसालिमानि गौरायुं डो  
आदाराम बसुमतारिआ बुंदोदि,  
'फरायसालिमाफोरखौ जुथाय  
खालामनायनि राहाया मोनसे  
(□ 5 बिलाइआव)

## 132 थि डुरान्ड कापनि उनाव कक्राझाराव फिन डुरान्ड काप फुटबल बादायलायनाय खुंगोन

कक्राझार, 26 फेब्रुवारी:  
एसियानि बयनिखुइबो  
गोजामसिन 132 थि डुरान्ड काप  
फुटबल बादायलायनायखौ  
थांनाय बोसोराव खुंनानि उनाव  
बे खेबाव फिन डुरान्ड काप खुंनो  
साखा-फारा खालामदो। मिथिनो  
मोनाय बादिब्ला, सोलिफु  
बोसोरनि जुलाइ दानाव 133 थि  
डुरान्ड काप खुंनया जागोन। बेनि  
लोब्बाये दिने भारतआरि रौनिया  
हान्जानि ब्रिगेडियार अक्षय चन्द्र  
आरो बिटिसिनि गेलेमु बिफाननि



मावफुं सोद्रोमा दाउबायसा बर'  
आरो आसाम फुटबल आफादनि  
नेहाथारि डो सांग्रां ब्रमआ दिने  
(□ 5 बिलाइआव)

कक्राझार साइ फोरेंथाय मिरुनि  
स्टेडियामआव नायगिदिहैयो।  
(□ 5 बिलाइआव)

## बासबारि पुलिस थानानि मोखाडाव साहा मावफारियाफोरा गोखो सोमावसारदो

भवानिपुर, 26 फेब्रुवारी:  
बाक्सा जिल्लानि सालबारि  
महकुमानि सिडव थानाय  
बासबारिनि फातेमाबाद साहा  
बागाननि मावफारियाफोरा  
गावसोरनि मोन्नांगो मोन्थायखो  
दाबिनाने दिने बासबारि पुलिस  
थानानि मोखाडाव साहा  
बागाननि सामब्लायगिरिनि  
हेंथायै सोमावसारो। फातेमाबाद  
साहा बागाननि सामब्लायगिरि  
रजेशे जालानआ



गुबुन बिफां गायनाय, बागानखौ  
फोजोबसोनायजो लोगोसे साहा  
मावफारियाफोरखौ सोबख'नाय  
(□ 5 बिलाइआव)

बायदि अजद दैखानाने साहा  
बागाननि मावफारियाफोर गोखो  
सोमावसारो। सोमावसारिगिरिफोरा  
अजद दैखाडोदि, थांनाय नै  
सप्ताहनिफ्राय गोबां खेब जिल्ला  
खुंथायखौ फातेमाबाद साहा  
बागाननि सामब्लायगिरिनि  
हेंथायै बिजिरनाय नागिरनाने  
आर'ज गाबहरदोमोनब्लाबो  
जिल्ला खुंथाया जेबो राहा  
(□ 5 बिलाइआव)

तामुलपुर, 26 फेब्रुवारी: फेगौ  
लकसभा बिसायख'थिखौ  
लानाने गासैबो राजखाथि  
दोलोफोरा साखा-फारा  
खालामगासिनो। दर-उदालगुरि  
लकसभा बियाबजो लोगोसे  
तामुलपुर बिधान सभा बियाब  
आरो नाग्रिजुलि बिटिसि  
बियाबनि सिडव थानाय  
जयपुरआव दिने बिजेपिनि मोनसे  
जगदान हाबाफारि खुंनया जायो।

## जयपुरआव बिजेपिनि तामुलपुर जिल्ला आरो नाग्रिजुलि मन्दलनि जगदान हाबाफारि

तामुलपुर, 26 फेब्रुवारी: फेगौ  
लकसभा बिसायख'थिखौ  
लानाने गासैबो राजखाथि  
दोलोफोरा साखा-फारा  
खालामगासिनो। दर-उदालगुरि  
लकसभा बियाबजो लोगोसे  
तामुलपुर बिधान सभा बियाब  
आरो नाग्रिजुलि बिटिसि  
बियाबनि सिडव थानाय  
जयपुरआव दिने बिजेपिनि मोनसे  
जगदान हाबाफारि खुंनया जायो।



नाग्रिजुलि मन्दल बिजेपिनि  
आफादगिरि राम बस्तुलानि

जगदान हाबाफारियाव गोबां  
सुबुंफोरा बिजेपि दोलोयाव  
हाबफैयो। जगदान  
हाबाफारियाव बाहागो लानाय  
राइजो-राजाफोरनि सिगाडव  
बिटिसिनि मावफुं सोद्रोमा धर्म  
नारायन दासआ बुडोदि,  
नाग्रिजुलि बिटिसि बियाबाव  
सिगांनिफ्रायनो राइजो-राजाफोरा  
फामे बिबारनि फासै गोसो  
(□ 5 बिलाइआव)

मासि सामब्लायनायाव खुंनया दिनेनि



## पिएम मदिआ दिने हदतनाडै गं 553 स्टेशनफोरनि अन्थाइ खाम्फा गायसन्दों

गाहाइ मन्थि, 26 फेब्रुवारी: गाहाइ मन्थि नरेन्द्र मदिआ दिने हदतनाव गं 553 रेलवे स्टेशनफोरखौ जौगाखांनायनि थाखाय खाम्फा गायसनों। दिने रेलवेनि थाखाय गिदिर सान महै गनायना लानाय जादों। पिएमआ दिने सानजौफुनि 12:30 रिगायाव 41,000 कौटि रनिखुइ बांसिन गं 2000 रेलवेनि इन्फास्ट्राचार प्रजेक्टखौ हदतनो गथायगोन। खौरनि बायदिल्ला, बे रेलवे स्टेशनआ दर 27 रइज्योफोर आरो दर 9 मिरुजों खुंजानाय हदतफोरव दड'। बेनि खौरंखौ पिएमआ गावनो टुइट खालामदों। गाहाइ मन्थि नरेन्द्र मदिआ टुइट खालामनाने दिने जौनि रेलवेनि



थाखाय मोनसे जारिमिनारि सान होन्ना फोरमायदों। दिने सानजौफुनि 12:30 रिगायाव 41,000 कौटि रनिखुइ बांसिन मोन 2000 रेलवेनि बिथांखिफोरखौ हदतनो गथायनाय जागोन। बे

स्टेशनफोरनि अन्थाइ खाम्फाखौ गायसनाय जायो। गासै भारतआव अभावरिज आरो आन्डापरसखौबो बेखेवनाय जागोन। बे हाबाफारिया सुबुंफोरनि थाखाय इज अफ लिभिंखौ आवगायहोगोन।

खौरनि बायदिल्ला, हदतनि बे रेलवे स्टेशनफोरनि सायाव मुलुगयारि थाखौनि सुबिधाफोरखौ मोनहोनायनि सायाव गोर्नाथि होनाय जागोन। बे बिथिडाव अमूत भारत स्टेशन बिथांखिनि सिडाव पिएमआ दिने मोन 553 रेलवे स्टेशनफोरखौ जौगाखां होफिन्याय हाबाफारिनि अन्थाइ खाम्फा बेखेवगोन। बेजों लोगोसे गाहाइ मन्थि आ इउपिआव 385 कौटि बेसेनजों जौगाखां होफिन्याय स्टेशनफोरखौ बेखेवगोन। इयुनाव दावबायारिफोरनि बांनाय अनजिमाखौ नोजोर होनाय बे रेलवे स्टेशनयाव जौगाखांनायनि आलादा-आलादा बेबस्था खालामनाय जादों।

गोदान दिल्ली, 26 फेब्रुवारी: 2024 माइथायनि लकसभा बिसायख 'थिखौ बिसायख 'थि आयगआ जायखिजाया समावनो फोसावनो हासिगौ। बेनि सिगां गासैबो राजखाथि दोलोफोरा साखा-फारा जागायजेनबाय। समाजवादी पार्टीजों लोगोसे गोबां दोलोफोराबो गावसोरनि बिजाथिफोरखौ फोसावबाय। बे समावनो खौरं फेदोंदि, आम आदमी पार्टीआबो थाबैनो लकसभा बिसायख 'थिनि थाखाय बिजाथिफोरखौ फोसावनो हासिगौ। आम आदमी पार्टीआ (आप) मंगलबाराव जानो गोनां लकसभा बिसायख 'थिनि थाखाय गावसोरनि बिजाथिफोरखौ फोसावनो



हागौ। सुलुंनि बायदिल्ला, गाबोन सानजौफुआव आपनि पिएसि जथुम जागोन। बे जथुमआव लकसभानि बिजाथिफोरनि मुनि सायाव सावरायनाय जागोन। खौरनि बायदिल्ला, बेनि उनाव आम आदमी पार्टीआ गाबोन गावनि लकसभा बिजाथिफोरनि मुंफोरखौ फोसावगोन। कंग्रेस आरो आपनि गेजेराव गोरोबलायनायनि सिडाव

दिल्लीयाव आम आदमी पार्टीआ गोदान दिल्ली, सोनाब दिल्ली, खोला दिल्ली आरो सान्जा दिल्लीआव बिसायख 'थि गेलेगोन। कंग्रेसआ सान्जा दिल्ली, सा-सान्जा दिल्ली आरो चान्दनी चौक मासिफोरखौ देरहादोंमोन। बेजों लोगोसे कंग्रेस दोलोआ गवानि मोनैबो मासियाव बिसायख 'थि गेलेगोन। गुजरातआव कंग्रेसआ मोन 24

मासियाव बिजाथि फसंगोन आरो आपआ मोनने मासियाव बिसायख 'थि गेलेगोन। बेजों लोगोसे कंग्रेसआ हरियाणानि मोन 9 मासिफोराव बिजाथि फसंगोन, जेराव आम आदमी पार्टीआ कुरुक्षेत्र लकसभा मासिनिफ्राय गावसोरनि बिजाथि फसंगोन। बे समावनो बेखौ फोथायनाय जादोंमोनदि, चन्डीगढ़नि लकसभा मासियाव आम आदमी पार्टीनि एकाउन्टाव थानो हागौ नाथाय बेयो जायाखै। दायो कंग्रेस दोलोनि बिजाथिया बेनिफ्राय बिसायख 'थि गेलेगोन। बेबेखानि पान्जाबाव मोनैबो दोलोनि गेजेराव जेबो गोरोबथा जायाखै। बेवहाय मोनैबो दोलोआ गावजों गाव बिसायख 'थि गेलेगोन। बे गोरोबलायनायखौ फोसावनाने मोनैबो दोलोनि दैदनिगिरिफोरा मोनसे खौरं मेल खुदोंमोन।

## सनानि बेसेना समबाराव दावखोदों



गोदान दिल्ली, 26 फेब्रुवारी: सनानि बेसेना समबाराव बांनाय नुनो मोन्दों। इन्डिया ज्वेलास एएसिएशननि बायदिल्ला, 24 केरेट सनानि बेसेना 10 ग्रामआव 62,240 रं जायो। बेनि सिगां बेनि बेसेना 62,008 रंमोन। रुफानि बेसेना 1 कि: ग्रा: याव 69,700 राडै सोलिदों। इन्डियान

बुलियान ज्वेलास एएसिएशननि वेबसाइटआव मिबथिहोनाय बायदिल्ला, 22 केरेट सनानि बेसेना 10 ग्रामआव 60,750 रं, 20 केरेट सनानि बेसेना 55,400 रं, 18 केरेट सनानि बेसेना 50,420 रं आरो 14 केरेट सनानि बेसेना 40,150 रं। इन्टरनेसनेल

बाजारफोरव सना आरो रुपानि बेसेनाव दावखलायनाय नुनो मोन्दों। 24 केरेटनि गोगो सनाया 0.30 जौखोन्दो एबा अन्सआव 6 डलार दावखलायनायजों 2,043 डलारआव सोलिदों। फारसेथिं रुपाया मोनफ्रोम अन्सआव 0.61 जौखोन्दो एबा 0.13 डलार दावखलायनायजों 23.05 डलारै फालांगि खालामदों। आमेरिकान फेडनि फारसेनिफ्राय सुदिनि हारफोरखौ दिदोमै लाखिनायनि थांखि लानायनि जाहोनाव सना आरो रुपानि बेसेनाव इन्टारनेसनेल थाखोआव नारसिन्थाय नुनो मोन्दों।

इम्फल, 26 फेब्रुवारी: फेनो गोनां दुफां बोथोरनि सिगां भारतआरिरेखाथि हान्जाफोर आरो सरकारनि ड्रामसनि हेँथा दावहायाव बाहागो लाग्रा सुबुंफोर मणिपुरनि दर 3 जिल्लाफोराव हाजोआरि ओन्सोलफोराव खिलिग्रा माखासे एकइ हायाव गायनाय आफिम आबादनि बिबारफोरखौ सिलिंखार खालामो। हाग्रा बिफांजों लोगोसे गोबां अनजिमानि रेखाथि हान्जानि बिफानआ खोलाहा म्यान्मारजों लोगोसे मणिपुरनि तेंनौपाल

## मणिपुरनि दरथाम जिल्लाफोराव 69 एकइ हायाव खालामनाय आफिम आबादखौ सिलिंखार खालामदों



जिल्लानि खुदेई कुल्लन गामिनि हाजोयारि ओन्सोलाव गासै 9 एकइ आफिम आबादनि बागानखौ सिलिंखार खालामो, जायफोरा बिबार बारबायमोन। बिबानगिरिफोरा समबाराखालि

फोरमायोदि, सा नागालेन्डनि सिमनाजों नांजाबनाय मणिपुरनि सेनापति जिल्लानि सा बाहागोआव गोबां अनजिमानि नागा फोलेरनि सुबुंफोर थायो। सेनापति जिल्ला पुलिस, 100

बेटेलियन सिआरपिएफ आरो 4थि आइआरबी टाफौनि मोनसे जुथाइ हान्जाया गासै 10 एकइ हायाव फोनाय आपिम बिफांफोरखौ सिलिंखार खालामो। सेनापति पुलिस

स्टेशननि सिडाव सादिम हाजोयारि ओन्सोलाव गायनाय आयेन बेरेखा आफिमनि आबादखौ सोमोन्दो गोनां एसडिडिसिनि नोजोराव सिलिंखार खालामनाय जादों। वांखुल नागा फसंथान गावारि फसंथानफोरनि हेफाजाबजों रेखाथि हान्जाआबो सा-सान्जा उखरुल जिल्लायाव आफिम आबाद सिलिंखार खालामनाय हाबाफारि सालायनायाव मुखुब जादोंमोन। बेनि सोमोन्दै मणिपुरनि गिबि मन्थि एन बिरेनि सिआ एक्सआव परट खालामना बुदोंदि, गासै 70 एकइनि हा बाहागोयाव आयेन बेरेखा फेग्रा बेसाद दिहुन्थायनि हेँथायै जौनि दावहाया मोनसे मख 'जाथाय थांखि।

## भारतयाव निखाउरिया गोखैयै दावखलायगासिनो दं होन्ना निति आयगआ खौरं होदों

गोदान दिल्ली, 26 फेब्रुवारी: भारतयारि इकनमिनि थाखाय गोजोनथाव खौरं। हदतयाव निखाउरिफ्रा गोखैयै दावखलायगासिनो दं। निति आयगनि रिपर्टनिफ्राय बेनि खौरं मोन्दों। निति आयगनि सिइअ बि.थि.आर. सुब्रमण्यमआ थांनाय रबिबार खालि बुडोदि, गोदाने खालामनाय नख 'रारि सार्भेनिफ्राय मिथिनो मोनोदि, भारतनि निखाउरिनि थाखोया 5 जौखोन्दो दावखलायबाय आरो गामियारि



आरो शहमरी मोनैबो ओन्सोलफोरव गोबांरे बांगसिनो दं। एनएसएसएनि गेजेरजों शनिबार खालि हर गेजेराव फोसावनाय अन्जिमाफोरनि बायदिल्ला साफ्रोमबोनि दानसेयारि नख 'रारि खरसाआ 2011-12 नि रुजुनायाव 2022-23 याव 2 गुणनिफ्राय बांसिन जादों। जाय हदतयाव जौगाखांनायखौ बांनाय थाखोयाव दिन्थियो। बे सार्भेयाव सुबुं अन्जिमाखौ मोन 20 आलादा-आलादा थाखोनिफ्राय रनदों आरो अन्जिमाफोरनिफ्राय मिथिनो हायोदि, गासै थाखोफोरनि थाखाय एभास्टेयै सासे सुबुंनि दावसेयारि खरसाया गामियारि ओन्सोलफोरव 3,773 रं आरो

शहर ओन्सोलफोरव 6,459 रं। गाहायै 0-5 जौखोन्दो थाखोनि एभास्टे साफ्रोम सुबुंनि दानसेयारि खरसाया गामियारि ओन्सोलफोरव 1,373 रं आरो शहर

ओन्सोलाव 2,001 राडै सान्नाय मोन्नाय जादों। एनएसएसएनि बे हदतनाया 1.55 लाख गामियारि नख 'रफोर आरो 1.07 लाख शहरनि नख 'रफोरनिफ्राय

## गाहाइ मन्थि मदिआ फेग्रा मुवाफोरनि खैफोदखौ लाना जिंगा फोरमायदों

गोदान दिल्ली, 26 फेब्रुवारी: गाहाइ मन्थि नरेन्द्र मदिआ भिडिअ कन्फ्रेन्सिनि गेजेरजों वर्ल्ड गयत्री नख 'रआ खुंनाय अक्षवमेध यज्ञआव बाहागो लादों। बे समाव गाहाइ मन्थिआ फेग्रा मुवाफोरनि खैफोदनि सायाव जिंगा फोरमायदों। बिथाड निसानि हुदा जानायजों समाज आरो हदतआ गोबां खहा जायो। गाहाइ मन्थि मदिआ अक्षवमेध यज्ञआव बाहागोआरि जानाने बुडोदि, गायत्री नख 'रनि जायखि जाया हाबाफारियाव



ओरैबायदि गोथारै सरजाबोदि बेयाव बाहागोआरि जानाया गावनो गाव खाफाल गोनां बाथा। बिथाडा खुसि फोरमायदोंदि, देव संस्कृति इडनिभासिआ खुंनाय अक्षवमेध

यज्ञनि बाहागोआरि जानायनि खाबु मोन्दों। दिने गायत्री नख 'रनि अक्षवमेध यज्ञआ समाजारि बिथांखिनि मोनसे महाअभियान जाबाय। बे अभियानजों लाख-लाख

लाइमोनफोरखौ फेग्रा मुवा आरो निसां मुलिफोरनिफ्राय माबोरै रेखा खालामगोन, बिसोरनि मोनसे गोगो इनाजिआ हदतखौ दानायाव गुन गोनां जागोन। लाइमोनफोर जौनि हदतनि इयुन। गाहाइ मन्थि मदिआ हदतआव फेग्रा मुवानि हुदाया बांबोनायखौ लानाने जिंगा सिनाय फोरमायदों आरो बेनि हुदाया ओरैबायदि मोनसे सर' जायखौ दबथायनो हायाब्ला बेयो बै सुबुंनि गासै जिउखौ सिलिंखार खालामो। बेजों समाजनि, हदतनि गोबां गिदिर खहा जायो। बेनिखायनो जौनि सरकारआ 3-4 बोसोर सिगां मोनसे हदतनो निसा उदं भारत अभियान जागायदोंमोन, जाय दासिमाव 11 कौटि सुबुंफोरनिसिम सौहैनो हाबाय। बिथाड बुदोंदि, जौ जौनि हदतनि लाइमोनफोरखौ जेसेबां गिदिर थांखिजों सरजाबगोन एसेबांनो फिसा-फिसां गोरोन्थिफोरनिफ्राय बारग 'गोन। दिने हदतआ जौगाखां गोरोन्थिफोरनिफ्राय बारग 'गोन। दिने हदतआ जौगाखां हदत दानायनि थांखियाव हाबा मावगासिनो। लोगोसेनो हदतआ गावनि आर्थिआव गसंथानाय थांखिआवबो हाबा मावगासिनो। हदतनि लाइमोन शक्तिनि आबुं मुलाम्फाखौ लानो थाखाय सरकारआबो 'मेग युवा भारत' मुनि गिदिर आफाद दादों। 3 दाननि गेजेरावनो बे आफादआव 1.5 कौटि लाइमोनफोरा सरजाबबाय। बेजों जौगाखां भारतनि सिमाखौ जाफूसार होनायाव थि रोखोमै बाहायनो हानाय जागोन।

## निखावरिजों भुगिनांनाय पाकिस्तानआ आथिखालाव दैनि थाखायबो भुगिनांवावसिगोन

गोदान दिल्ली, 26 फेब्रुवारी: भारतआ राथि दैनिफ्राय पाकिस्ताननि फारसे बोहैलांग्रा दैखौ होबथादों। बेनि सिगांनो रांखाथियायि अलखदजों भुगिनांवाय थानाय पाकिस्ताननि जेंनाया बांवावगोन। गासै 45 बोसोरनिफ्राय भारतआ राथि दैयाव बान्दो बानायगासिनो दडमोन, जाय थियायि जाबाय

आरो आथिखालाव राथि दैमानि दैया पाकिस्तानसिम थानो हानाय नंलिया। सुलुडाव फोरमायनाय बायदिल्ला, मुलुग बेंकनि नोजोराव 1960 माइथायाव जानाय सिन्धु दै रादायनि गेजेरजों राथिनि दैयाव भारतनि जर'खा मोन्थाइ दड। पान्जाबनि पठानकट जिल्लायाव थानाय शहपुर कन्डी बेराज जम्मु-काश्मीर आरो पान्जाबनि

गेजेराव नख 'रारि जेंनानि जाहोनाव थाबथादोंमोन। नाथाय बेनि जाहोनाव गोबां बोसोरनि गेजेराव भारतनि दैनि मोनसे गिदिर बाहागोआ पाकिस्तानाव थादोंमोन। सिन्धु दै रादायनि गेजेरजों राथि, सतलुज आरो ब्यासनि दैयाव भारतनि आबुं मोन्थाइ दड' आरो सिन्धु, झेलस आरो चिनाबनि दैयाव पाकिस्ताननि मोन्थाइ दड'।



थानाय 1979 याव पान्जाब आरो जम्मु-काश्मीर सरकारफोरा पाकिस्ताननो दै हरनायखौ होबथानो थाखाय रेन्जीत सागर बान्धी आरो डाउनस्ट्रीम शसाहपुर कन्डी बेराज बानायनो थाखाय मोनसे रादायनि सायाव मुंसाइदोंमोन। रादायनि सायाव जम्मु-काश्मीरनि बै समनि गिबि मन्थि शोख महम्मद आबुदुल्ला आरो पान्जाबनि

गिबि मन्थि प्रकाश सिंह बादलआ मुंसाइदोंमोन। बेनि उनाव 982 याव आगुनि गाहाइ मन्थि इन्डिरा गान्धीआ बे बिथांखिनि अन्थाइ खाम्फा गायसनों, जायखौ 1998 सिमाव आबुं जागोन होन्ना मिजिं थिदोंमोन। बेराफारसे रणजीत सागर बान्दोखौ बानायनाया 2001 याव आबुं जादोंमोन नाथाय शाहपुर कन्डी

बेराजखौ बानायनो हायाखै आरो राथि दैमानि दैया पाकिस्तानयाव बोहैबाय थायो। बेनि उनाव 2008 याव शाहपुर कन्डी बिथांखि महैर फोसावदोंमोन। नाथाय बानायनाय हाबाफारिया 2013 याव जागायो। नाथाय 2014 याव पान्जाब आरो जम्मु-काश्मीरनि गेजेराव जेंनाफोरनि जाहोनाव बे बिथांखिया थाबथाफिदोंमोन।

No. JDB/WPT&BC/11/2022-23/7631

Dated Jalah, the 23/02/2024.

### NOTICE INVITING E-TENDER

The Block Development Officer, Jalah Dev. Block in Baksa District, Assam hereby invites online bid from registered contractor of APWD (Building) and BTC (Building) following two bid system of bidding for Construction Of Koklabari Anchalik Bathou Thansali, Wpt & Bc Department Under Sopp (Btc) For The Year 2023-24 Under Jalah Dev. Block In Baksa District.

The last date of bids submission is 05/03/2024. Up to 2.00 PM. The details about the bids etc. are available in the website: [www.assamtenders.gov.in](http://www.assamtenders.gov.in), for submission of bids, the bidders should have digital signature certificate (DSC) from authorized certifying authorities.

Sd/-

Block Development Officer  
Jalah Development Block, Baksa

# दा ग्रेट वाल अफ इन्डिया मुडै मुलुग दांखा राजस्थाननि सौमोनांथाव किल्ला

जौनि भारत हादतआव गोबां समायना आरो आगोमा आसार-खास्थि दं। गुबुन गुबुन राइज्योफोर बायदिनो राजस्थानआबो गावनि समायना आरो आसार-खास्थिफोरनि थाखाय मुलुगनाडै मुलुग दांखा। बेयाव माखासे ओरैबायदि दर्शनिक जायगाफोर दं, जायखौ नायनो हादतनि अनगायै गुबुन हादतनिफ्राय गोबां दावबायफोर फैंयो। बे राइज्योआव गोबां किल्ला आरो महलफोरबो दड, जाय राजस्थाननि गोम्गाथाव सम्पद। कुम्भालगड किल्लाया बेफोरनि गेजेराव मोनसे, जायनि समायना मुलुगनि गोसोखौ बानो हादों। बे किल्लानि आगोमा जारिमिनखौ दिने जौ मिथि होनो सिगांदों। कुम्भालगड किल्लाया



जानायनि जाहोनाव कुम्भालगड किल्लाखौ भारतनि मख 'जाथावसिन किल्लाफोरनि गेजेराव मोनसे होना गनायथि जायोमोन। बे किल्लाखौ मेवाड़ किल्ला मुडैबो मिबथिनाय

दरजा, मोन 13 हाजो थिखिनफोर आरो गोबां वाच हावारफोरा बेखौ सुथुरनि थाखाय सेलेन्स गोनांसिन खालामो। माखासे जारिमिनारि लिरगिरिफोरनिफ्राय मिबथिनो


पल, निम्बु पल, पाघरा पल आरो दप खाना पलआव सौहैदों। बेनि अनगायै सिडव बादल मेहेलबो नुनो मोनो। बे मेहेलाव किल्लानि बयनिखुडुबो जौसिन जायगायाव दड, जेरावनिफ्राय खाथि-खालानि गामिफोर ओन्सोलफोर आरो जोमैनि गोसो बोनो हानाय नुथायफोरखौ नुनो मोनो। बेनि जाहोनावनो बेखौ बादल एबा जोमै मेहेल होन्नाबो बुडे। लोगोसेनो बे किल्लानि लांगोना सिडव गं 360 नि बांसिन मन्दिरबो दड, जेराव बयनिखुडुबो मुंदांखासिन श्री लक्ष्मी नारायन मन्दिर दड। गावनि माखासे समायना एबा गुनफोर थानाय आरो मख 'जाथाव जारिमिननि जाहोनाव कुम्भालगड किल्लाआ इउनेस्क वर्ल्ड हेरिटेजनि फारिलाइयाव थाफानो हादों। राजस्थाननि हाजोआ किल्लाफोरनि मोनसे बाहागो कुम्भालगड किल्लाखौ 2013 निफ्राय इउनेस्क वर्ल्ड हेरिटेजआव सोफानाय जादोंमोन। □



गावनि गोजौ इन्जुर (वाल) नि थाखाय मिथिसार जायो। गासै 36 कि: मि: गोसारनाय बे इन्जुरआ चीननि ग्रेट वालनि उनाव मुलुगनि नैथि बयनिखुडुबो लावसिन वाल होन्ना गनायथि जायो। बेनि जाहोनावनो बे किल्लानि वालखौ भारतनि लावसिन वाल होन्नाबो मिबथिनाय जायो। राजस्थाननि राजसम्पद जिल्लायाव थानाय बे समायना किल्लाया अराभली हाजोनि सोनाबसारियाव उदयपुरजों नांजाबनाय 84 कि:मि: गोजानाव दं। बे विलाखौ 15थि जौथाइयाव मेवाड़ ओन्सोलनि खुंगिरि राणा कुम्भाआ बानाय होदोंमोन। गावनि गोखौ रैखाथि आरो आजौ-आजैमोननि जायगा

जायो। बे जायगाया राजपुत राजा महाराणा प्रतापनि जोनोम जायगामोन। बे किल्लानि मोनफोमबो मुवाफोरा एबा लुथायफोरनो सुथुरनिफ्राय रैखा मोन्नो थाखाय बानायजानायमोन। बेयाव गं 6

मोनोदि, बे किल्लाखौ खेबसेल' बेखन्नाय जादोंमोन। बे गिदिर किल्लायाव हाबनो थाखाय गं 7 हाबग्रा दरखं बानायनाय जादोंमोन। बे मोन 7 दरजाफोरनि मुड अरेट पल, हनुमान पल, राम पल, भिजय



## उदांसिया बयनिबो

समान मोनथायनि समान उदांसि दंबयहाबो बुहुमाव जोनोम मोन्नाय रावबो खमसिन बांसिन नड, जौ बयबो रोखोमसेयैनो मानसि माहारिसो। जौखौ गोरा दौलेंजों रावबो खाबथानानै लाखिआखे गोनांथि गैया गावजोगाव दावराव दावसि, एना-एनि जानायनि। दानि बे बुब्बियाव बिदिस्थाया जौनो दिन्थिआखै, दरजा खोरखि गैयै न'आव एरसोनानै थाबाय थानो। जोनोमखौ लादों जेब्ला-मानसि माहारिनि महरेनो मावनांगौ हाबाफोर दं जौहा जिउजोबजासिमाव, साग्लोबनानै दं मानसि माहारिजों मावजानांगौ बुहुमाव गोबां हाबाफोर। गुलाय-गुजाय खामानिखौ स्र' थख-थख खालामलांगोन, गोबां हारि-हारिसाफोरनि गेजेराव गोरोब लायनानै जौ खौसेयै थालांगोन-गंसे मम बाथिनि सोरांखौ जौ बर' माहारियावबो लगायनांगोन बिर ग्लांगोन जौबो उदां दावफोरबायदि नाथाय, फानजारि सिडव नड। गादबनानै दा दोन जौखौ जौबो गाम्बारि सिख्ला, बिरगोसि सिख्ला डिडु सिख्ला मोनबादि बिमा माहारिनि।

मिस रैरुप बसुमत्तारि जिल्ला-कक्राझार

## दासान नों अनजालु

-थरायना फुन' बर'

दासान नों अनजालु आंखौ अनजालि होननानै, साननानै दा ला नों अनजालु आंखौ गावनि असे होननानै। अनजालु, आं नौनि अननायखौ नागरनो हाया, थेवबो आं नौनि आंगोनि जानो हाया। नों जाबाय हाग्रानि मोसा आं जाबाय न'निनो दावसा, हाजों अखांजों गोरोबगोनाबो जेब्लाबो नड थामसा। गाबोननो आं नौनि असे जागोन खैफोर समाव सोर नायफिनगोन? फागुननि जावलिआ बारा बुसोमगोन अब्ला आंखौ सोर बोखांगोन? दासान नों अनजालु आंजों मोजां मोननायनि खेला गेलेंनो। आंथ' गांसेबो लाइजाम हराखैमोन नाथाय नों.....नों गामियाव माबोरे बदनाम होखो? आंखौ मोजां मोनो होननानै। हाबाव! दासान दासान अनजालु नों आंखौ मोजां मोनो होननानै, नों मिथिया नामा मोजां मोननाया खेला नड होननानै नाथाय, नाथाय नों हारिनि थाखाय मोजां मावनो ना आंखौसो नोजोर होनो? दासान नों अनजालु.....।

# रंजालि गथ'फोरनि सौरा

## सिक्किवेन खन्थाइ

निजोम  
हर बिलियाव  
रजे नौखौ हरदम  
गोसो खाडालासे थानो  
हाया

मादि  
जागोन रजे  
गोसोनि आइनायाव  
नौनिल' सावगारि नुजा  
फैंयो

रजे  
गोसो थोनाय  
मोजां मोनलायनाया  
दाबोरसे नुलायलायावा  
मानो..

रजे  
नौनि रादाय  
गोथां जाना थाथों  
फैमाल मिजिनायल' जानो  
नाड

जिउनि  
माबा मोनसे  
मिजिनाया समाव  
जानांगौ जायो मोदेनि  
अखा

हरदम  
खन्थाइ रेबनाय  
थालिम खालाम जौमोन  
माबा मोनसे सानबोलावरि  
फैंवा

-रैदोम बर',  
माजदिया, बगुलामारि,  
बाक्सा

## बेलासि समाव

बेसेबा मोजां, बेसेबा समायना  
बेलासि सम  
बेलासि समनि समाव आं जेब्ला  
गसायखौ खुलुमो।  
अब्ला आंनि बिखा बिखतो गोथार  
सान्नाय लाना गोजोनो  
बेसे गोथौ बेसे दाहार दसेनो आरो  
दुखुनि बोहैथिया सुम्लाडो।  
दानदिसे सम ईसोरखौ खुलुमोब्ला  
गियाननि गुथाल सौदावफैंयो  
ईसोर मानसिनि गोजोना बेसे एसे  
नाथाय दुखुआ बांसिन।  
बेलासि समाव आंनि गोसोआ  
रंजानायजों बाञ्च'यो।  
जेब्ला ईसोरनि महरखौ गोसोजों  
आं नागिरना खुलुमो...  
अब्ला नागिरो गियाननि लामायाव  
आगान सुरनो।  
नाथाय दं गोबां सौदाव- सौसि  
बेनो गोसोखौ हमथायो।  
आं मोनथियो गोसोआ जोबोर दुस्त'  
बेखौ नडब्ला बैखौ।  
बेनिखायनो ईसोर नों आंनि जीउआव  
गोथार गियाननि बोर सासि  
दानि जुगाव गावजों-गाव सिनाया  
हे-ईसोर।  
दानि समाव रावबो फोथाया,गात्रिनि  
लामायाव आगान सुरनाय।  
बे आंनि जीउनि बेलासि समाव जेब्ला  
आं ईसोर नौखौ फुजियो.....  
आंनो गियान हरो नोंसोर आफा-आइ  
आंखौ बुजाय दानदिसे सम।  
बे आंनि थार साबसिन जीउनि  
समायना बेलासियाव  
जेब्ला गोसोआ गियाननि गोजोन बार  
हाबफैंयो अब्ला  
दसे सम गियाननि लामा थाबायना  
मानो थाथ'फिनो आंनि गोसो।

दुथां ब्रह्म  
कक्राझार।

## हाबिला

नै अनसुली रजे फांदं  
नौनि समाइना महराव आं  
गोजावबाय दाहाजों लोगो  
मोनैयाव रुगुं हरे फारसे।  
रंगिना रंगिना बिबार बारियाव  
नौदि बारसेल बिबार गोबोनि  
जागोनदा नों आंनि अनसुलि रजे  
थैस थांस अराय समनि।  
नौखौ लानानै सुजु दोमोन  
दोंसे समाइना रमाइना बिबारनि माला  
नाजावगोनदा नों आंनि  
सुजुनाय बिबारनि मालाखौ।  
गोजोन जागोन आंनि जिउआ  
होफैंयोबोला रजे नौनि  
अन्नायनि थरथिंसे थै  
रानलांनाय सोलेराव आंनि

मुसि माधव बर'

ला:सो:- 3 नं दिहिरा,  
जिला- बागसा वि टि सि आसाम

## बाइफ्लेनाय मिजिं

फागुननि जावलिआ बारजों बुसोम जानानै  
मंनय देहाखौ लानानै आगान सुरलांदोंमोन रजे,  
आं नौखौ लोगो हमनो होन्नानै,  
बै जिउनि लांगोनायाव।  
नाथाय दिनें आंनो रोडै  
फागुननि जावलिआ बारजों  
बुखार लांजाबाय रजे  
नौनि बेसेबांवा गोजानाव।  
जाखां फैंयो दाबो रजे,  
नौनि मिनिखैरो मिनिनाइआ  
सिमां मोकथां साया-माया  
आंनि साखाथियाव।  
हांमा थाबाय रजे,  
नौखौ लोगो मोनैयाव  
दाहा थाबाय रजे  
नौखौ नुयैआव।  
माबोरै बावनो रजे, नौनि बे दावखौआंनि  
बायदि गोदैं गारांजों राइन्लायनायखौ।  
बे जोनोमाव गैया रजे,  
बै जोनोमाव नौखौनो अराय समनि थाखाय,  
नेनानै थाबाय थगोन आं रजे जिउनि  
लांगोनायाव।

मुसि पुष्या कुमार ब्रह्म  
जिल्ला:-कक्राझार

## गोजोननाय गैया

गोसोआ गोजोननाय गैया  
मिजिं आरो जेनानि बोदोर।  
जावलिआ फागुननि बारजों  
बुखार जानाय आंनि जिउ।  
मोदेनि लैथो आंनि;  
बोहैखार लांबाय आंनि-थानि,  
अन्थायनि बान्दो, हाजो-हाला,  
हाग्रा-बंग्रा सौसि-सोसि।  
गोसो गैया रावबो आंखौ  
दिखांनो आबाद थिलियाव  
हासार गैया फुखिनि लैथो  
सोरबा धोनि सुबुंनि थाखाय  
दं बियो हारिं गोमजोरै  
रावनिबो अनसायनाय गैयैयाव।  
गोसोआ गोजोननाय गैया;  
दुखुथिया आंनि जिउ  
लाइमोन बैसोआ।  
गोदाव सोराव हारिंडै  
दड आं आनि-थानि,  
सोरनि अननायखौ मोनगोन  
बेखौ नेनानै,  
जेब्लासिम जाफुंगोन-  
आंनि मिजिं जिउनि-थांखिया।  
गोसोआ गोजोननाय गैया  
मोनहास थै गोजौ अखरानि  
समायना गोजों हाथरखि  
जागोन माबोला गोजोन सोरां।  
सुखु गोजोन गैया  
दान्दिसे दुखुथिया जिउखौ लानानै  
सान्त्र' हायै जेना।  
बेसेन गैया दुखुथिया सुबुंनि,  
थरथिंसे थै.....।  
जागोन माबोला गोजोन सोरां,  
जिउनि खोमसि लामाया।  
नेनानै थासिगोन आं  
जेब्लासिम जाफुंगोन,  
आंनि मिजिं जिउनि थांखिया  
बै मोजां मोन्नाय अनजालिखौ।

राजेन नाजरी  
शान्तिपुर गोजौ फरायसालि



## ‘फुल और काटे’ नि मुंदांखा मधुआ अजय देभगानजों सोमोन्दोनि बागै फोरमायदों

‘फुल और काटे’ आ सावथुन जारिमिन सुपारहित सावथुनफोरनि गेजेराव मोनसे। बेयो अजय देभगान आरो मधु सानैनिबो थाखाय बलिउडआव आगान होजेन्नायमोन। इ 1991 माइथायनि सावथुनखौ कुकु कहलीया दिथा होदोंमोन आरो नायगिरिफोरजों मोजाडैनी बाख्नायजादोंमोन। मधुआ सावथुन ‘रजा’ नि थाखाय नायगिरिफोरनिफ्राय गोबां अनसायनाय मोनदोंमोन। सुबुंफोरा दासिमबो फावखुंग्रि मधुनि मोनफ्रोमबो फावखौ गोसोखाडे। बावैसो जानाय मोनसे मोगा-मोगिनि समाव सावथुनाव पुजानि फाव खालामनाय मधुआ फोरमायदोंमोनदि, अजयजों बिथानि सोमोन्दोआ माबादिमोन। बे समावबो फावखुंग्रिया गावनि गिबि सावथुनरि लिजजनि बागैबो मोनसे गिदिर फोरमायथि होदोंमोन। सिद्धार्थ कन्ननजों मोनसे रायज्जानायनि समाव मधुआ बुंदोंमोनदि, फुल और



कार्टेनि लोगो-फावखुंग्रि अजय देभगानजों बिथानि सोमोन्दोआ मोजां जानो एसे सम लादोंमोन। फावखुंग्रिया बुंदोंमोनदि, गावसोरो सेटआव लोगो नडमोन मानोना सानैनिबो नोजोरा गुबुन-गुबुन मोन। बिथाड वीरूजी आरो बयजोंबो गावनि कम्फर्ट ज'नाव थानो मोजां मोनो। बिथाड सिरि थानो मोजां मोनोमोन नाथाय गावखौ फोरमान खालामनो थंगासिनो दंमोन। बेनिखायनो आं बै सेटआव रावजोंबो लोगो जायाखैमोन। थासारिया अब्ला सोलायदोंमोन जेव्ना मधुआ अजयजों सावथुन ‘दिलजाले’ नि थाखाय फिन खामानि मावनो राजि जादोंमोन। इ 1996

माइथायनि एक्शन ड्रामायाव सनाली बेन्द्रे आरो मधुआबो गोसोखादोंमोनदि, माबोरै साथामबो मोनसे सावथुनरि सेटआव मोजां लोगो जादोंमोन। मधुनि गिबि सावथुन ‘फुल और काटे’ नि रिजिजनि समाव बियो जोबोद गिदोंमोनदि, जुदि सुबुंफोरा बे सावथुनखौ हँथा होयो अब्ला आं मा

खालामगोन। फावखुंग्रिया बुंदोंमोनदि, ‘फुल और काटे’ आरो ‘दिलजाले’ आव खामानि मावनायनि रोंमोन्दांथिया आं आरो अजयखौबो सोलायहोदोंमोन। जों सानैबो ‘फुल और काटे’ नि समाव गोदानमोन बेनिखायनो जों खामानियाव गोसो होनो लुबैदोंमोन। सावथुनाव गोबां रोंग'थि गोनां फावखुंग्रिफोर दंमोनबलाबो आं हमदांनो हादोंमोनदि आबो सासे रोंग'थि गोनां फावखुंग्रि। आनि लोगो-फावखुंग्रिया जायखि जाया मानो आं आनि खामानिखौ मावनो फेयो। जों लोगोमोन नाथाय जों गोबां बोसोरसिम जेबो सावथुन खालामाखैमोन। बेनि

अनगायैबो, फावखुंग्रिया बिथानों गावनि सोमोन्दोनि बागै खोन्थादों आरो बुंदोंमोनदि, अजयआ सासे रंजाथाव सुबुं। 3 कौटिआव बानायनाय सावथुन ‘फुल और काटे’ आ बक्स अफिसआव 12 कौटि रां आर्जिनो हादोंमोन। सावथुनरि एक्शननि अनगायैबो बेनि गोसोखांथाव मेथाइफोराबो बे सावथुनरि जाफुंसारनायाव गोबां बिहोमा होदों। अजय देभगान आरो मधुनि अनगायैबो बे सावथुनाव अरुणा इरानि, अमृश पुरी आरो जगदीप बायदि रोंग'थि गोनां फावखुंग्रिफोरबो दंमोन। अजयआ सावथुनाव अमृश पुरीनि फिसाज्जालिनि फाव खालामदोंमोन।

## अनुपम खेरआ आबादारिफोरनि सोमावसारनायनि फारसे मदतआव फैयाखै

### डिलीभारी बयआ रनित रयनि आखाइजों थैनायनिफ्राय बारगबाय



गानि गोखों फाव खालामनायजों बलिउड आरो टिभिनि मुलुगआव गानि मुं दोनो हानाय रनित रयखौ बयबो मिथियो। आथिखालाव फाव खुंग्रुआ गानि मोनसे पस्टनि थाखाय खौरंआव फैगासिनो दं। बे पस्टआव रनित रयआ बुंदोंदि, सासे डिलीभारी बयआ बिनि आखाइजों थैनायनिफ्राय बारग'बाय। बेनि जाहोनखौ बेखेवनानै रनित रया गानि टुडटआव लिखदोंदि, डिलीभारी बयनो थारैनी गारि सालायनायनि सोमोन्दे बिथोनफोरनि गोनांथि दं। मोब्लिबारी मपेडआव गाखोनयनि आंथिया बे नडदि, बिसोरो सिगांजों थैनाय थानाय ट्रेफिकनि गेजेराव गोरेन्थि साइडजों सालायगोन। जेव्ना रनित रयनि टुडटआ भाइरल जायो, अब्ला स्विगीआ बेनि सायाव फिनजाथाय होयो। फावखुंग्रुनो फिनाय होनानै, स्विगीआ हे रनित रयजों मिजिथियोदि, जॉनि डिलीभारी पार्टनरफोर गासैबो ट्रेफिक नेमफोरखौ मानिगोन, जों जेव्नायबो बेनि सायाव गोसो होयो। जुदि नोंथांनाव बे आयदायाव राहा लानो थाखाय माबाफोर गुबुन फोरमायथि दंन्ना अननै बेखौ जोंजों सेयार खालाम, होन्ना लिखदों।

रैलिफोरनि गाजि गोहोमआ अनुपम खेरनि फैनो गोनां सावथुन ‘कागज 2’ नि आयदा जानानै दं। भिके प्रकाशजों दिथाहोजानाय बे सावथुना हँथा दिन्थिफुनाय आरो रैलिफोरनि जाहोनाव सरासनस्त्रा सुबुंफोरा मोगा-मोगि जानानाय जेंनाफोरनि सायाव नोजोर होयो। अनुपम खेरआ गानि सावथुनरि सोमोन्दे रायज्जानाय समाव आबादारिफोरनि सोमावसारनायखौ मख'दों। बिथाड बुंदोंदि, बिथाड बेजों गनायथि फैयाखै। बिथाड रोखायै बुंदोंमोनदि, बेफोरबायदि सोमावसारनाया सुबुंफोरनि जिउआव गोहोम खोखैयो। फावखुंग्रु अनुपम खेरआ बुडेदि, बिथाड गावारि गोहोआव हँथा खालामगासिनो दं नाथाय मोनदांनो हायोदि, फावगिरिफोरा मावथिफारिया महरै खामानि मावनाड। पिटिआइजों मोनसे मोगा-मोगियाव खेरआ बुंदोंमोनदि, फावखुंग्रु आरो रंजाग्रफोरखौ कुसेखर मानिनाय जाया। गावारि गोहोआव आं ओरैबायदि मोनसे बाश्रा बुंदोंमोन, जाय आंखौ दुखु होदोंमोन आरो बिनि फिथाइखौ



भुगिनांदोंमोन। आं गोबां सुबुंफोरनि गेजेराव मुंदांखा जानो हायाखैमोन नाथाय बेनि जेबो गोनांथि गैया। जोबनायाव आं आनि सान्नायजों गोजोनै थानांगोन। 2011 माइथायाव इन्डिया एगेन्स्ट करापशन सोमावसारनायाव बाहागो लानाय फावखुंग्रुआ बुंदोंमोनदि, जेंनाफोरखौ सुखानायनि साबसिन राहाया जादों सावरायनाय। सोलिबाय थानाय आबादारिफोरनि सोमावसारनायनि सोमोन्दे बिथाड बुडेदि, बयहाबो सोमावसारनायनि मोन्थाय दं नाथाय बेयो सरासनस्त्रा सुबुंफोरनि जिउआव गोहोम खोखैलो नाड। बे रायज्जानायनि समाव अनुपमआ बुडेदि, बयहाबो सोमावसारनायनि उदांसि दं नाथाय गुबुन सुबुंफोरखौ

असुबिदा खालामनायनि मोनथाय गैया। जॉनि हादराव आथिखालनि नुथायआव आबादारिफोरनि मुडवल' हँथा सोमावसारनाया जागासिनो दं। आं सानाखैदि, गासै हादरनि आबादारिफोरा बेबादि साना मानोना आबादारिफोरा जाग्रा आदार जगायग्रा। आं सानो जायफोरा खाजोना होयो बिसोरो हादरनि जौगानायाव बिहोमा होगासिनो दं। आं सानो सरासनस्त्रा सुबुंफोरनि जिउखौ दुखुनांथाव खालामनाया मोजां नड। 2021 माइथायनि आबादारिफोरनि सोमावसारनायखौ मख'नानै खेरआ दिल्लीनि जारिमिनारि लाल किलायाव सोमावसारि आबादारिफोरा गार्लोबनायनि उनाव सोमजिनाय जाथयफोरनि फारिआव गोजोन्नाय गैयै फोरमायदों।

## माहाम देहानि राहा

### खारनायनि 15-30 मिनट सिगां थालिर जानांगौ एबा एनार्जी ड्रिंक लोंनांगौ

आथिखालानि लाइफ-स्टाइलआव सुबुंफोरा गावसोरखौ सावसि गोनां लाखिनो थाखाय वार्कआउटनि मोनसेबो खाबुखौ खोमाना लायाखै। सम दिहुननानै मानसिफोर खारनो एबा गोखै थाबायनो मोजां मोनो। खारनाया जॉनि देहानि थैनि गोसारथिखौ मोजाडै बाडइ खालामो, जाय जोंखौ गोबां बेमारफोरनिफ्राय रँखा खालामो। खारनाया नॉनि लिखाइखौल' बाडइ खालामा नाथाय जॉनि होबथानो हानाय गोहोखौबो गोखों खालामो आरो मोदोम-रोदाखौ गोखों खालामो। बेबादि थासारियाव गोबां सुबुड फुडव उदै खालि खारो बे समाव माखासे सुबुंफोरा माबा मोनसे गोरलैयै जानानै खारनो मोजां मोनो। दा नोंथाड सान्दों जानांगौ माबोरै खारनाया सावसिनि थाखाय बांसिन मुलाम्फा गोनां, बेनिखायनो उदै खालियाव खार नायनि माखासेफोर मुलाम्फा दं, बेफोरखौ गाहायाव होनाय जाबाय- 1 देहा गिदिर जानाया बाडइ जायो: जुदि नोंथानि देहाया जानायजों चेलेन्जआव फैदों अब्ला फुडव जेबो जायाजासे खारनाया नोंथानि थाखाय




मुलाम्फा गोनां जानो हागौ। 2. बिखाया सावसिगोनां जायो: जुदि नोंथाड बिखाजों सोमोन्दे थानाय बेरामफोरनि खैफोदखौ बाडइ खालामो लुबैयो अब्ला सानफ्रोमबो 10 निफ्राय 15 मिनटनि थाखाय खार नांगौ। खारनाया जॉनि बिखाखौ बांसिन सांग्रां खालामो आरो थैनि गोसारथिखौ मोजां खालामो। 3. हजम जानाया साबसिन जायो: उदै खालियाव खारनाया जाग्रा खांथिखौ गोखों खालामो। बेजों लोगोसे नोंथाड बिबु सानाय, गोसोबायनाय, गोबानाय आरो डायरिया बायदि जाग्रा आदारनि जेंनाजों मोगा-मोगि जानानाय नड। 4. साबसिन उन्दुनाय: जाय सुबुंफोरा फुडव खारो बिसोरनि उन्दुनायाबो मोजाडै उन्दुनायावबो मदत मोनो। जुदि नोंथाडबो मोनायाव उन्दुनो आंखाय अब्ला दिनैनिफ्राय बे हुदाखौ बोजबना ला।

उदै खालियाव खारनायनि जेंनाफोरा जाबाय- 1. उदै खालियाव खारनाया नोंथांखौ मेंहोनो हागौ: गुबैयै जेव्ना नोंथाड उदै खालियाव खारो अब्ला नोंथानि देहाया मेजेमखौ गोहोआव सोलायो। नाथाय देहाया गोबाव समसिम बेबायदि खालामनो हाया आरो बेबादि थासारियाव नोंथाड मेंनो हमो। 2. दुखु मोन्नायनि खैफोद: जेव्नानो नोंथानि देहानि गोहोआ खम जायो नोंथाड मेंनो हमो। जाय दुखु मोन्नायनि खाबुखौ बांहोयो। बेनिखायनो रोंग'साफोरा सुबुन होयो खारनायनि 15-30 मिनट सिगां थालिर जानांगौ एबा एनार्जी ड्रिंक लोंनांगौ। थालिरआव मिथिगायारि सिनि थायो, जाय गोरलैयै हजम जायो। एखे समावनो एनार्जी ड्रिंक्सआ नोंथानि देहायाव गोखै गोहो होयो।

## माखासे हादरफोराव यामी गौतमनि 'आर्टिकेल 370' खौ बन्द' खालामनाय जादों

आर्टिकेल 370 आ नख'रारि आरो गुबुन हादररि बक्स अफिसआव जाफुंसार जानो हादों। नायगिरिफोर आरो सावरायगिरिफोरा बे सावथुनखौ जोबोद बाख्नायगासिनो दं। यामी गौतमनि फाव खालामनायनिफ्राय लानानै सावथुनरि दिथाहोनायसिम बानायगिरिफोरनि थाखाय मोनसे गाजि खौरां ओंखारदों, जाय सावथुनरि खामनायाव गोबां गोहोम खोखैलोगोन। फावखुंग्रि यामी गौतमनि एक्शन राजखांथियारि टिलार सावथुन 'आर्टिकेल 370' खौ गल्फ हादरफोरआव बन्द' खालामनाय जादों। भारतारि सावथुनफोरा गल्फ हादरफोराव गोबां रां आरजियो नाथाय होबथानायनि जाहोनाव 'आर्टिकेल 370' आ गोबां खहा जानो हागौ। सावथुना गुबैयै मोनसे जेथोगोनां समाजारि-राजखांथियारि नुथायनि दाथायनि गेजेराव सुबुंफोरा मोनदांथिफोरखौ दिन्थियो। सावथुनाव सिनायथि, सौग्रावलायनाय आरो थानो हानाय आयदाखौ दैखानाय जादों। गोब्राब समाव हास्थायनायफोर आरो जेंनाफोरखौ नोजोर होनानै सावथुनाव सोमोनांथाव



सावरायनाय दं, जाय मोनसे सावरायनाय सोमजिहोयो। बे होबथानाया गल्फ हादरफोराव मोनसे हँथा महरै फैदों। फारसेथिं सावथुनफोरखौ दावराव-दावसियाव सेवखानाय जादों, जाय दावबायथायखौ जौगाहोगासिनो बेराफारसेथिं भारतारि सावथुनफोरखौ बन्द' खालामनाय जादों। बबेखानि भारतारि सावथुना गल्फ हादरफोराव गोबां बोसोरनिफ्राय मोजां मोनजाबोगासिनो दं आरो मोनफ्रोमबो नख'रव रंजानायनि फुंखा जानानै दं। फारसेथिं सुबुंफोरा भारतारि सावथुनफोरखौ मोजां मोनोबलाबो 'आर्टिकेल 370' बायदि सावथुनफोरखौ बन्द' खालामनाया सेन्सरशिपनि बेरेखा आरो हारिमुआरि सोलाय-सोल 'खौबो होबथायो। 'आर्टिकेल 370' नि सिगां गल्फ हादरफोराव 'फाइटर' सायाव बिथा खालामो।

खौबो बन्द' खालामनाय जादोंमोन। बे सावथुना भारतारि अखां सांथिनि सल'खौबो दिन्थिदों। मोनैबो सावथुना हादर अनफावरि सावथुनफोर बेनिखायनो मोनैनिबो होबथानाया सोमोनांथाव। मुलुगनां सावथुन मुलुगा सेन्सरशिप आरो आउटरीचनि जेंनाफोरजों जुजिगासिनो दं। बेनिखायनो मोनसे बांसिन थाफादेरनाय आरो जिउगोनां सावथुनरि नुथायखौ जौगाहोना थाखाय सावरायनाय आरो हेफाजाबखौ गोनांथि होनाया समनि गोनांथि जानायखौ नुनो मोनो। सावथुनाय यामीआ जुनी हक्सर मुनि सासे इन्टेलिजेन्स मावख'गिरिनि फाव खालामदों, जाय हायेनाव बिथा खालाम जानाय आरो आर्टिकेल 370 नि सिडव जम्मु-काश्मीरनि जर'खा थामानखौ बोखारनायनि सायाव बिथा खालामो।

## पंकज उधास 72 बोसोर बैसोआव रुंसारि जाबाय

पंकज उधासनि बायदि जाय सुपर-डुपर हिट मेथाइफोर होनाय पंकज उधासया मुलुगनिफ्राय जानगाराव थांबाय। बिथाड समबाराव 72 बोसोर बैसोआव रुंसारि जाबाय। पंकज उधाया गोबाव समनिफ्रायनो लोमजानानै दंमोन। बिथानि गजल आरो मेथाइफोर सुबुंफोरनि गेजेराव जोबोद मुंदांखामोन। पंकज उधाया कौटि-कौटि धोन गालादों। बिथाड गावनि बिसि फरीदा उधास आरो सानै फिसाजोफोर रेवा उधास आरो नायब उधासखौ नागारलांबाय। नोंथाड बेखौ मिथिनानै सोमोनांगोनदि, पंकज उधासनि गिबि खामायनाया 51 रॉल'मोन। बिथाड गावनि रोजाबनाय जिउ राहाखौ गावनि फंबायजों बै समाव जुरिजेनदोंमोन जेव्ना भारत आरो चीननि गेजेराव दावहानि आबहावा बारदोंमोन। बेबादि थासारियाव हादर अनफावरिनि गाबा गासै हादरावनो सायख्लुम जादोंमोन। मोनसे हाबाफारियाव पंकज उधासआ लता मंगेशकरनि मेथाइ 'ऐ मेरे वतन के लगन' खौ



रोजाबोदोंमोन आरो बिथानि दिन्थिफुनायनि थाखाय बिथानो 51 रॉनि बान्था होनाय जादोंमोन। बे बेयो बिथानि गिबि



खामायनायमोन। बेनि उनाव बिथाड लासै-लासै रोजाबनाय मुलुगाव आवगायलादोंमोन।

पंकज उधासआ मुम्बाइनि पेडर रडआव गंसे आलीशान न' दं। बे न'नि मुख हिलसाइड। खौरां बिजोनि रिपटफोरनि बायदिब्ला, पंकज उधासआ मार्सिडीज आरो अडी बायदि लाक्जारी कारफोरखौ गालादों। पंकज उधासआ सावथुन आरो हाबाफारिफोराव रोजाबनायजों लोगोसे इडुबनिफ्राय मोजां खामायनो हायोमोन। रिपटफोरनि बायदिब्ला, बोसोर 2017 माइथायाव पंकज उधासनि गासै सम्पथिआ 11.21 कौटि रॉमोन, जाय 2024 मायथाइसिम बांनानै 25 कौटिसो रां जाहैदों।

## कमेडियान भारती सिंहखौ 'जब वी मेट' सावथुनरि मेथाइनि बायदि नुथाइयाव नुनो मोन्नाय जादों

मुंदांखा कमेडियान भारती सिंहआ गावनि कमिक टाइमिंग आरो ग्रेट पानचलाइनि थाखाय मिथि जायो। बिथानोआ गोबां समावनो गावनि मिनिथाव स्टाइलनि थाखाय खौराडव थायो। नाथाय भारती सिंहआ बे समाव गावनि बावैसोनि नुथाइनि थाखाय खौराडव दं। बावैसो भारती सिंहखौ 'डान्स दीवाने' नि सेटनि बायजोआव नुनो मोन्नाय जादों। बे समाव भारती सिंहखौ ओरैबायदि, गानाय-जोमनाय नुनो मोन्दोंमोनदि बयबो बिनि फारसे नायबाय थादों। गुबैयै, आथिखालाव भारती सिंहखौ डान्स दीवाने आव हस्ट महरै नुनो मोन्नाय जायो। बे स्व'आव बिथानोखौ गावनि कमिक स्टाइलजों सुबुंफोरखौ गोबां मिनिहोनाय नुनो मोनो। स्व'नि फैबाय थानाय एपिसडफोराव बलिउडनि मोनसे आयदा दं। बेनि थाखाय



बयबो जोबोद गोसो गुंदु। बे समावनो भारती सिंहआबो बलिउड टीमनि सायाव बिथा खालामनानै स्व'नि सेटआव सौहैयो, जेराव पेन्सफोरा बिथानि सावगारि सेबखानो थाखाय बिथानो बेंखनो। बे समाव भारती सिंहखौ पेप्सफोरजों रायलायनाय नुनो मोनदों। थारैनो बे नुथायाव भारती सिंहखौ 'जब वी मेट' सावथुनरि मेथाइनि बायदि नुदों। अनसायगिरिफोरा भारती सिंहनि बे नुथाइखौ जोबोद मोजां मोनो। बयबो बिथानोनि स्टाइलखौ जोबोद बाख्नायगासिनो दं। जुदि भारती सिंहनि बाश्रा रायज्जालो, अब्ला, बिथानोआ सुबुंफोरखौ गोबां मिनिहोनायनि थाखाय मिथिजायो। भारती सिंहनि स्टाइलआ जोबोद फेस्ता जायखौ बिथानोनि अन्सायगिरिफोरा जोबोद मोजां मोनो।

## पाकिस्तानआव बिसायख'थिनि उनाव गिबि सायख' जानाय एमपिनि गिबि जथुमा

गोदान दिल्ली, 26 फेब्रुवारी: बिसायख'थिखौ गेना-खांथि खालामनायनि दाय जाबसिनायनि गेजेराव नसुसे हादत पाकिस्तानआव बिसायख'थियाव जोबलांबाय। बेनि उनावबो राजखांथि गेलेनाया सोलदों। अदेबानि इमरान खाननि पार्टिआ हेफाजाब होनाय उदां बिजांथिआ बयनिखुइबो बांसिन अन्जिमायाव देरहादों। नाथाय अब्लाबो जायखि जाया पार्टिआनो हारसिं खुंथाइ खुंनो हानाय जायाखै। बिबादियाव पिएमएल-एन एबा नवाज शरिफनि पार्टि आरो पिपिपि एबा बिलावल भुट्टुनि पार्टिआ ज'



जानानै जुथाइ दानो नागिरदों। बेनि गेजेरजों शहबाज शरिफनि पिएमआ आसिफ आलि जरदारिखौ हादतगिरि खालामनो गनायथिज्जायो। बेनि गेजेरवो पाकिस्तानआव बिसायख'थिनि उनाव सायख' जानाय

मुस्लिम लीग-नवाज (पिएमएल-एन) पार्टिनि गागि दैदेनगिरि इशाक डारआ रबिबाराव बुंदोंदि, सायख'जानाय एमपिफोरनि गिबि जथुमा लिंथुमनायनि संबिजिदआरि गोनांथि आयेन बादियै 29 फेब्रुवारीयाव हाबाफारिया आबुंखालामजगोन। आयेननि बायदिब्ला, गोदान सायख'जानाय एमपिनि गिबि जथुमा सगसनखा बिसायख'थिनि 21 साननि गेजेरवो खुंजानांगौ। थानाय 8 फेब्रुवारीआव बिसायख'थिआ जादोंमोन। बे हिसाबै एमपिनि जथुमाया 29 फेब्रुवारीनि गेजेराव जानांगौ। सुलुंनि बायदिब्ला, आयेन मावख'आ हादतगिरि आरिफ एल्भीखौ आयेन बादियै जथुमा लिंनायनि मोनसे प्रफजाल दैथाइ हरदों। नाथाय पिटिआइनि फारसे गंगलायग्रा एल्भीआ दासिमबो बेखौ गनायथि होयाखै, जायनि सायाव गिखानाय सोमजिखानो हागौ।

## हाथियार आंखालजों इउक्रेनआ गावनि हा आरो सान्थिफोरनि जिउ खोमानांदों

क्वीभ, 26 फेब्रुवारी: रसिया-इउक्रेन दावहाया 2 बोसोर आबुं जाबाय। फारसेथिं बे दावहाया आथिखालावबो सोलिगासिनो। नाथाय हाथियार आरो गुलि-बारुदनि आंखालाव गोमलैनाइ इउक्रेन सान्थिआ गावनि जोनो बिमा हाखौ लासै-लासै खोमानांगासिनो आरो सान्थिफोरबो थैलानो हमदों। बेनि खौरां होनाइ इउक्रेननि रैखाथि रुस्तम उमेररभआ सोनाबारि हादतफोरखौ सान्थिआरि मदत दैथाय हसो खावलायदों। बे समाववो इउक्रेननि हादतगिरि भलदिमिर जेलेन्स्कीआ बुंजेदि, रसियाजों इउक्रेननि देरहानाया सोनाबारि हादतफोरनि मदतनि सायाव सोनारो। गोलाव जान्थाइनि मिसाइलफोरखौ मोनो इउक्रेननि देरहानाया सोनाबारि हादतफोरनि मदतनि सायाव सोनारो। गोलाव जान्थाइनि मिसाइलफोरखौ मोनो इउक्रेनआ हास्थायदों आरो बेखौ लानानै बिहा आसा



गोमालानो हमदों। उमेररभआ बुंदोंदि, सोनाबारि हादतफोरनिफ्राय सान्थियायि मदतनि सायाव सोनासनाय एबा लामा नायनायनि फिथाइ एबा बावैसो सानफोराव इउक्रेन सान्थिनि ख'हाया बांदों। दावहा फोथारनि थासारिया गोखै सो लो य ग ि स नो । मख'जाथावदि, गोबाव दाननि उनाव दावहायाव इउक्रेननि सोलोखांथियायि महरे

मख'जाथाव अब्दीभिका महरखौ रसिया सान्थिआ दखल खालामना लानो हायो। उमेररभनि बे फिन्नाया बै समाव सोराडव फैदों जेब्ला इउक्रेन दावहाया नै बोसोर आबुं जानायाव आमेरिका आरो इउरपिय हादतफोरा बेजों गसफानायनि फोथायनाय होदों। उमेररभजों प्रेस कन्फेन्सआव आथिखालनि इउक्रेननि उद्ग मन्थि आलेकजेन्डार कमिशनआ

फोरमायदोंदि, हादतनि रैखाथि कारखानाफोरा थानाय बोसोराव 3 गुन बांसिन दिह्थाइ दिह्दों। नाथाय बेयो दावहा फोथारनि गुलि-बारुदनि गोनांथि जानायखौ नोजोर होनाइ बेयो थोजासे नडा। इउक्रेननि गाहाइ मन्थि डेनिस शमिहाला फोरमायदोंदि, 2024 नि खरसानि थाखाय इउक्रेनआ आमेरिकानिफ्राय 11.8 आरख डलार रंखांथि मोनगोन आसा खालामना दड।

## रांखान्थियायि बोसोर 2024-25 माइथायाव दावबायारि गारिनि खोन्दोआ गोखैथिजों बांगोन



गोदान दिल्ली, 26 फेब्रुवारी: क्रेडिट रेटि एजेन्सि क्रिसिलआ समबाराव बुंदोंदि, स्पर्टस इउटिलिटी भेहिके ल (एसइउभि) खोन्दोनि दैदेनायाव रांखान्थियायि बोसोर 2024-25 नि समाव दावबायारि गारिनि सेक्टरा 5 निफ्राय 7 जौखोन्दो हारजों जौगागोन। क्रिसिलआ बुंदोंदि, बे खेबाव थामथि खेबनि थाखाव दावबायारि गारि सेक्टरा गोदान जौथायखौ सौहैगोन। भाषानि खौरांथि बायदिब्ला, कारफोरनि दाबि आरो दैथायहरनाया लासै लासै थोसेआवबो सोलिफु रांखान्थियायि बोसोराव बे सेक्टरा

6 निफ्राय 8 जौखोन्दोनि अनुमान खालामनाय हारजों जौगागो हागौ। रेटि एजेन्सिआ बुंदोंमोनदि, बाहायगिरिफोरनि सायख'नायाव मोनसे मख'जाथाव सोलायनाया एसइउभिफोरनि दाबिखौ बांहोदों जायजों बे रांखान्थियायि बोसोराव बेनि हाथाइनि बाहागोखौ गासै नख'रारि बिबांनि 60 जौखोन्दोसो खालामनाय जादों। रांखान्थियायि बोसोर 2018-19 माइथायाव कभिड-19 बेरामनि सिगां एसइउभि खोन्दोनि नख'रारि हाथाइनि बाहागोआ 28 जौखोन्दोसोमोन। क्रिसिलआ

बुंदोंदि, थानाय 3-4 बोसोराव गारिनि बेसेना बांदों मानोना दिहुनगिरिफोरा प्रीमियाय गारिफोरनि बेसेनखौ बांहोगासिनो दं आरो रैखाथि आरो उत्सर्जननि सायाव गोरसिन नेमफोरखौ मानिनगोन। दावबायारि गारि दैथायहरनायनि बाहागोआ सोलिफु रांखान्थियायि बोसोराव 14 जौखोन्दोसिम लासै जानो हागौ होना सान्नाय जादों, जाय रांखान्थियायि बोसोर 2018-19 माइथायाव 17 जौखोन्दोसोमोन। रेटि एजेन्सिआ बुंदोंदि, बेनि गुबै जाहोना जादों थानाय 2 बोसोराव उल्टा बेसेन बांनय आरो गाहाइ दैथायहरग्रा हाथाइफोराव लेटिन आमेरिका, खोला-सान्जा एसिया आरो आफ्रिकायाव गुबुन हादरारि सोलाय-सोल'आ एसेल' मोनो हानाय। फैगो रांखान्थियायि बोसोरावबो बे ट्रेन्डआ सोलिबाय थानो हागौ।

## फिलिस्ताइननि गाहाइ मन्थि शतायेहआ बिबान नागरबाय

गोदान दिल्ली, 26 फेब्रुवारी: फिलिस्ताइननि गाहाइ मन्थि महम्मद शतायेहआ समबाराव बिबान नागरनो फोसावो। बिथाडा गावसिनि दखल खालामनाय वेस्ट बेंकनि माखासे बाहागोफोरा खुंथाइ खुड। बिथाडा गावनि बिबान नागरनाय लेखा बिलाइखौ हादतगिरि महम्मद अब्बासनो गथायो। गाजा पट्टीनि हेथाये गाग्लोबनाय आरो वेस्ट बेंक आरो जेरुजालेमाव जेनाजों लोब्बा गोनां जाथाइफोरखौ नोजोर होनाइ बिबानखौ नागरादों। गाहाइ मन्थि मन्थि शतायेहनि बुंनय बायदिब्ला, गावनि बिबान नागरनायजों फिलिस्तानी अटरटियाव आमेरिकान हेफाजाब



होनायफोरनि दरजाया गेवो हागौ। हादतगिरि अब्बासआ थि खालामनागोनदि, बिथाडा गाहाइ मन्थि शतायेहनि बिबान नागरनाय लेखा बिलाइखौ गनायथिगोन ना नेवसिगोन।

गोबां हेंथा दड। मख'जाथावदि, फिलिस्तानीआ लान्थियै इज्राइल आरो हामासनि गेजेराव सोलिनाय दावहाखौ लानानै इज्राइलखौ दायनिगिरि बेंखनाव दोन्दों। बेनि जाहोना जादों। गाजायाव गोबां अन्जिमायाव सरासनखौ फिलिस्ताननि नोगोरारिफोराबो थायो। बेनि सिगां इज्राइलनि बारग' गाहाइ मन्थिआ इज्राइल आरो फिलिस्ताइननि गेजेराव सोमोन्दोफोरनि जारिमिनआव गिदिरि फिन्नाय होदोंमोन। इज्राइलनि बारग' गाहाइ

मन्थि एहुद अलमार्टआ 24 फेब्रुवारीयाव बुंदोंमोनदि, 2008 नि गाजा दावहा दो-थ'नायनि उनाव इज्राइल आरो पिफिलिस्ताइनफोरा गोजोन मोनयनि थाखाय मोनसे जारिमिनारि थाबुखौ खोमादों। बेनि थाखाय अलमार्टआ हामासनि गारलोबनाय खौ नो फोरमायदों। अदेबानि बारग' गाहाइ मन्थिआ बुंबावोदि, बियो इज्राइलनि गाहाइ मन्थि बेन्जामिननि हेफाजाबारि नडा।

## तालिबानआ रोजा-रोजा सुबुंफोरनि सिगाडव सासे सुबुंखौ फासि होदों

इस्लामाबाद, 26 फेब्रुवारी: तालिबानआ समबारावलि सा आफगानिस्तानाव मोनसे स्टेडियामाव राइज्यो-राजानि सिगाडव बुथारनायनि दायआव सासे सुबुंखौ फासि होदों आरो रोजा-रोजा सुबुंफोरा ज' जादोंमोन। सासे नुगिरिनि बायदिब्ला, फासि होनाया जावजान हादरसानि राजथावनि शिबिरगान सहराव जादों, जेराव बुथारजाग्रानि फंबाया दायनिगिरिखौ राइफलजों खेबबा गुलि गावदों। सासे नुगिरिया बुंदोंमोनदि, स्टेडियामनि सोरगिदि गोखों रैखाथि दंमोन। आगस्त 2021 माइथायाव आमेरिका आरो सा आटलान्क गोरोबथा आफाद (नाट') नि रौनियाफोरा आफगानिस्तानखौ आबुं डै नागरनायनि उनाव तालिबानआ



गोहोखौ आवगिरिनायनि उनाव बेयो बाथि राइज्योआरि फासि होनायमोन। तालिबान सरकारनि मावख'गिरिफोरा बे आयदायाव हरखाबै जेबो बिबुंथि होआखै। मोनसे बिबुंथियाव बुंनय जादोंदि, हादरनि मोनथाम गोजौ बिजिरसालि आरो

तालिबाननि जौसिन दैदेनगिरि मुल्ला हिबतुल्लाह अखुन्दजादानि गनायथिनि उनाव समबाराव फासि होनाय जादोंमोन। बिबुंथिनि बायदिब्ला, फारयाव हादरसानि बिलचिराग जिल्लानि नजर महम्मदखौ फासि होनाय जादों, जाय

फारयावनि थागिरि खल महम्मदखौ बुथारदों आरो बुथारनाया जावजानआव जादोंमोन। बृहस्पतिबाराव तालिबानआ खोला-सान्जा गजनी राइज्योआव बुथारनायनि दायआव दायनिगिरि सानै सुबुंखौ फासि होदोंमोन।

## इमाम महजौब महजौबीआ फ्रान्सनि फिरफिलाखौ शेतानि होन्ना बुंदों

फ्रान्स, 26 फेब्रुवारी: फ्रान्सआ सासे उतरखारि इमामखौ बिबाननिफ्राय बोखलायदों। इन्टरसिम मन्थि गोरलड डर्मिननआ बुंजेदि, इमामआ हादतनि फिरफिलानि सोमोन्दै गनायजाथावै बिबुंथि होदोंमोन। बिबिसि रिपर्टनि बायदिब्ला, बे सप्ताहनि जागायनायाव अन लाइन भाइरेल जानाय मोनसे भिडियआव महजौब महजौबीआ फ्रान्सनि फिरफिलाखौ 'शेतानि' बुंनय नुनो मोन्दोंमोन। फारसेथिं इमामआ बे बाथ्राखौ नेवसिगारदों आरो बेनि थान्थिया असन्मान खालामनायनि



नडामोन। सुलुंनि बायदिब्ला, महजौब महजौबीआ ययुनिशियानिमोन नाथाय 38 बोसोर सिगां फ्रान्सआव

फैदोंमोन। बियो फ्रान्सनि खोलाहा फिसा सहर बेगनल्स-सुर-जेजयाव एटाउबा मरिज्जदनि इमाममोन। महजौबीखौ बे

सप्ताहनि जागायनायाव मोनसे भिडिअआ भाइरेल जानायनि उनाव ग्रेप्टार खालामदोंमोन। बिबिसि रिपर्टनि बायदिब्ला, बिथाडा जेबो जर'खा फिरफिलाखौ मख'याखै। दारमाननआ थानाय बृहस्पतिबारावलि एक्सआव लिरोदि, महजौबीनि थाखाय गोखों आयेनफोरखौ बाख्नायदों, जाय फ्रान्सनि थाखाय गुबुन हादतयायि थागिबिफोरखौ भटारे खालानायाव गोसलै खालामो। ग्रेप्टार खालानायनि 12 घन्टनिखुइबो खम समाव बिखौ सास्फेन्क खालामदों।

## इश्कबाज फ्रेम फावरवुगि नेहा लक्ष्मीआ जुलनि रादाय स्वाबाय

टिभि सिरियाल 'इश्कबाज' मुंदांखा फावरवुगि नेहा लक्ष्मी अय्यरआ जुलनि रादाय खाबाय। फावरवुगिया गावनि गोबाव समनि अनजालु रुद्रायश जशीजों जुलनि रादाय खादोंमोन। नेहा लक्ष्मी अय्यर आरो रुद्रायश जशीआ मोनसे दोरोडरि माराठी जुलि फोर्बोंआव जुलि जादों। खाथि लोगोफोर आरो खुरमा-बाहागिफोरा सानैनिबो हाबायाव बाहागो लादों। एखे समाववो नेहा लक्ष्मीआ बावैसो गावनि इन्स्टा स्ट'रीआव

अनसायगिरिफोरजों गावनि जुलनि माखासे नुथायफोरखौ फोसावदों, जेराव बिथाड सासे हिन्जाव गोदान महरे जोबोद समाइना नुदों। फावरवुगिनि बाइडल लुकनि बादै रायज्जायनायाव नेहाया राउन्डनि समाव गोजा नौरी साडी गानदोंमोन। बेजों लोगोसे बिथाड गांसे गोजा खुन्दु गानदोंमोन। बिथांजोआ मोनसे गिलिर खाफाल बेन्डेज आरो मालाजों गावनि नुथायखौ आबुं खालामदों। बिथांजोआ गजरजों मोनसे गोमोथाव



खानाइनि बन बानायदोंमोन। बेनि अनगायैबो फावरवुगिया जयमालानि समाव मोनसे गोथां गाबनि रेशमनि साडी गानदों। फावरवुगिखौ मोनैबो नुथायाव जोबोद समाइना नुदोंमोन। हौवा गोदाननि नुथायनि बाथ्रा बुंन्ला, रुद्रयशआ गावनि हाबायाव गोजा गाबनि कुर्ता आरो गफुर धुती गानदोंमोन। नेहाजों शेयार खालामजानाय बे सावगारिफोरा सशेल मिडियायाव जोबोद भाइरेल जागासिनो दं। बे समाववो, जुलनि सिगां नेहा

लक्ष्मीनि जुलनि सिगांनि फोर्बोंनि भिडिअ' आरो सावगारिफोराबो जोबोद भाइरेल जादोंमोन। फावरवुगिया गासैबो फांसनफोरनि थाखाय दोरोडरि खसाब गानोमोन, जेराव बिथांजोखौ सोमोनांथाव नुदों। जेराव नेहाया गावनि हल्दी नुथायाव बिबाननि प्रिन्ट लहंगा गानदों आरो नेहाखौ मेहेन्दी फांसनआव मिरर वार्क लहंगेआव जोबोद समाइना नुदोंमोन। बेनि अनगायैबो फावरवुगिया चुडी फोर्बोंनि

थाखाय मोनसे सना गाबनि ड्रेस गानदों। 'इश्कबाज'नि अनगायै नेहाया 'कबुल है', 'ना आना इस देस लदो', 'कृष्णा बेन खाखरवाला', 'मुझे कुछ कही है', 'खामशिया', 'ससुराल सिमर का', 'दिल बले अबरय' आरो 'भल्ला कलिंग भल्ला' बायदि गोबां स्व'आव नुजाथिदोंमोन। बबेखानि फावरवुगिया 'कबुल है' दिथिपुंनयनिप्रय बांसिन मुंदांखा जादोंमोन। बिथाड बे स्व'आव करण सिंह प्रवारनि बिबानावनि फाव खालामदोंमोन।

## भारतार क्रिकेट हान्जाया पाकिस्तानि रेकर्डखौ सिफायदों

गोदान दिल्ली, 26 फेब्रुवारी: भारतार क्रिकेट हान्जाया रान्चीआव ब्रैथि टेस्टआव इलेन्डखौ 5 उडकेटजों फेजेनानै गोदान रेकर्ड बानायदों। बबेखानि भारतारि हान्जाजों बानायजानाय रेकर्डफोरखौ मोजां नुनो मोनो नाथाय इलेन्डआबो रेकर्ड बानायदों। बेनि गेजेराव भारतारि हान्जाया पाकिस्तानि थाखायबो मोनसे रेकर्ड बानायदों, जायखौ बिथाड इ 1982 माइथायनिफ्राय इ 1994 माइथायसिम बानायदोंमोन। बबेखानि अस्ट्रेलियानि हान्जाया दासिमबो बे बिथिडव सेथि फारियाव दं। अस्ट्रेलियाया गावसोरनि हादराव बयनिखुडबो गोलाव समसिम मोनसेबो टेस्ट सिरिज जेनैनि रेकर्ड बानायदोंमोन। अस्ट्रेलियानि हान्जाया इ 1993 माइथायनिफ्राय इ 2008 माइथायसिम हम टाउनआव मोनसेबो टेस्ट सिरिज जेनाखैमोन। अस्ट्रेलियाया गासै खेब 28 सिरिजआव बेबादि खालामदों। बेनि उनाव पाकिस्ताननि मुड बेवहाय फेयो। पाकिस्ताननि हान्जाया इ 1982 माइथायनिफ्राय इ 1994



माइथायसिम हम टाउन आव मोनसेबो फारि जेनाखैमोन। नाथाय पाकिस्ताननि हान्जाया थामथि जायगायाव सौहेबाय आरो भारतारि हान्जाया नैथि थावनियाव सौहेबाय। भारतनि हान्जाया खेब 5 मेचनि फारिखौ खेब 4 मेचफोराव 3-1 स्क 'रजों देरहादों। जुदि भारतआ जोबथा मेचखौ देरहायो अब्ला बे अनजिमाया 4-1 जानो हागौ। भारतनि हान्जाया 2013 माइथायनि उनाव हम टाउनआव मोनसेबो टेस्ट सिरिज जेनाखै। भारतनि हान्जाया थानाय खेब 17 सिरिजआव बे जाफुंसारनायखौ खालामदों। बे बायदियेनो अस्ट्रेलियानि उनाव भारतआ नैथि आरो पाकिस्तान थामथि जायगायाव गोग्लैबाय।

भारतारि हान्जानि सिरिजआ दासिमबो सोलिगासिनो दं, जाय आरोबाव माखासे सिरिजनि थाखाय सोलिबाय थानो हागौ। पाकिस्ताननि अनगायैबो वे स्ट इन्डिजआबो हम टाउनआव 16 सिरिज जेनाखै। बे जाफुंसारनायखौ हान्जाया 1974 आरो 1994 माइथायनि गेजेराव खालामदोंमोन। थामहिनबा भारतआ पाकिस्तान आरो वे स्ट इन्डिजखौ खेबसे आवनो उनाव दोनलांबाय। बेनि सिगाडव भारतआ 1987 माइथायनिफ्राय 1999 माइथायसिम 14 फारि आरो 2004 माइथायनिफ्राय 2012 माइथायसिम फारियै 14 फारि जन्नायनि रेकर्ड बानायदों।

## भारतआ ब्रैथि सानाव रान्ची टेस्टखौ 5 उडकेटजों देरहादों रहित आरो गिलआ जौसेनि खावसे रान बानायदोंमोन

गोदान दिल्ली, 26 फेब्रुवारी: भारतआ रान्ची टेस्टआव इलेन्डखौ 5 उडकेटजों फेजेनानैमोन। समबारखालि ब्रैथि सानाव टीम इन्डियाया 5 उडकेट खोमानानै 192 राननि थांखिखौ जाफुंसारहोने हादोंमोन। बे देरहानायजों, टीम इन्डियाया फारियाव 3-1 जों फेजेनानै सिगांनो हादोंमोन। थामहिनबा, मोनसे मेचजों मोन 5 मेचनि फारिखौ देरहादोंमोन। जोबथा मेचआ 7 मार्चनिफ्राय धर्मशाला फोथाराव गेलोगोन। टीम इन्डियाआ ब्रैथि सानाव गावसोरनि नैथि इनिंसखौ 40/0 निफ्राय जागायदोंमोन। हान्जानो देरहानो थाखाय 152 राननि गोनाथि दंमोन। भारतनि केप्टेन रहित शर्मा (55 रान) आरो शुभमन गिलआ (नाबाद 52) जौसेनि खावसे रान बानायदोंमोन, जेराव ध्रुव जुरेलआ थैयालासे 39 रान बानायदोंमोन। गिल आरो जुरेलनि गेजेराव 72 राननि बाहगोयारि जादोंमोन। इलेन्डनि सएब बशीरा 3 उडकेट



लादोंमोन। टम हार्टले आरो ज'रुटआ 1-1 उडकेट लादोंमोन। शुक्र बाराव जे.एस.सी.ए. हादर गेजेरारि स्टेडियामाव इलेन्डआ टस देरहानानै सिगां बेटिं खालामनो थिरांथा लायो। गिबि इनिंसआव हान्जाया 353 आरो टीम इन्डियाआ 307 रान बानायदोंमोन। इलेन्डनि हान्जाया नैथि इनिंसआव 145 रानआव अल आउट जादोंमोन। इलेन्डनि गिबि इनिंसआव 46

राननि आवगायनायनि बिथायाव भारतआ 192 राननि थांखि मोननो हादोंमोन। इलेन्डआ मोनबा मेचनि सिरिजनि गिबि मेचखौ 28 रानजों देरहादोंमोन। भारतआ नैथि मेचखौ 106 आरो थामथि मेचखौ रेकर्ड 434 रानजों देरहादोंमोन। बे देरहानायजों भारतआ बुहुमनां टेस्ट चेम्पियनशिप (डब्लिउटीसी-2023-25) नि पइन्ट फारियाव नैथि थावनियाव दं। हान्जाया 64.58 जौखोन्दो पइन्टफोर दं, जेराव निउजिलेन्डआ 75.00 जौखोन्दो पइन्टजों गोजौसिनाव दं। भारतआ सोलिफु सिजनआव दासिम 8 मेच गेलेखांबाय, जेराव हान्जाया 5 खेब देरहादों, जेराव मोन 2 आ जेन्दों। मोनसे मेचआ 'डू' जाबाय। टिम इन्डियाआ ब्रैथि सानाव 40/0 नि स्करजों गावसोरनि नैथि इनिंसखौ बारायदोंमोन। रहित शर्माया 24 रान बानायदोंमोन आरो यशस्वी जायसवालआ 16 राननि गावारि स्कर'रनि सिगां गेलेनो जागायदोंमोन। भारतनि जानानै केप्टेन रहित शर्मा (55)

आरो शुभमन गिलआ (52\*) नैथि इनिंसआव जौसेनि खावसे रान बानायदोंमोन। बिसोरनि अनगायैबो ध्रुव जुरेलआ थैयालासे 39 रान बानायदोंमोन। गिल आरो जुरेलनि गेजेराव थैयालासे 72 राननि बाहगोदारि जादोंमोन। जुरेलआ गिबि इनिंसआव 90 रान बानायदोंमोन। बे दिन्थिफुनायनि थाखाय बिथाड प्लेयार अफ दा मेचनि बान्था मोनदोंमोन। ब्रैथि सानाव, गिबि उडकेट यशस्वी जायसवालनि आखाइयाव गोग्लैदोंमोन। बिथाड 37 रान बानायदोंमोन। बेनि उनाव रहित शर्माया 55 रान बानायदोंमोन। रहित आरो जागायजेनगिरि यशस्वीनि गेजेराव 84 राननि गिबि बाहगोदारि जादोंमोन। रजत पाटीदार आरो सरफराज खानआ एकाउन्टखौबो फाव खालामनो हायाखैमोन। रविन्द्र जाडेजाआ 4 रान बानायदोंमोन। इलेन्डनि जानानै सएब बशीरा 3 उडकेट लायो। टम हार्टले आरो ज'रुटआ 1-1 उडकेट लादोंमोन। गिबि सेसननि जौबनायसिम भारतनि हान्जाया

साथम उडकेट खोमानानै 118 रान दाजाबदेरदोंमोन। बे सत्रआव यशस्वी जायसवाल, रहित शर्मा आरो रजत पाटीदारनि उडकेट गोग्लैयो। बे समावनो, नैथि सेसन जौबनायनि सिगां टीम इन्डियाया मेचखौ देरहादोंमोन। रान्ची टेस्टनि गिबि साननि मुंखौ ज'रुटनि फैफिन्नायनि उनाव दोननाय जादोंमोन। बिथाड 13 इनिंसनि उनाव टेस्टआव जौसे रान बानायदोंमोन। बिथाड 106 रान बानायखानायनि उनाव आउट जायाखैमोन। रुटनि सायाव बिथा खालामनानै इलेन्डआ साननि गेलेनाय जौबनायसिम 7 उडकेटआव 302 रान बानायदोंमोन। रान्ची टेस्टनि नैथि साननि मुंखौ इलेन्डनि मुडव दोन्नाय जादोंमोन। इलेन्डनि टीमनि बेरेखायै ब्रैथि मेचनि गिबि इनिंसआव भारतआ 134 रानजों उनाव दं आरो स्त्रि उडकेटबो गोग्लैदों। टीम इन्डियाआ सनिबारनि टेस्टम्पसिम गिबि इनिंसआव 7 उडकेटआव 219 रान बानायदोंमोन। भारत आरो इलेन्डनि गेजेराव मोनबा मेचनि टेस्ट सिरिजनि ब्रैथि मेचखौ रान्चीआव गेलेनाय जादों। रान्ची टेस्टनि थामथि साननि मुंखौ भारतनि मुडव दोन्नाय जादोंमोन। साननि गेलेनायनि जौबनायर्थि, भारतआ नैथि इनिंसआव जेबो खहा जायाजासे 40 रान बानायदोंमोन। हान्जाया मेच आरो सिरिज देरहानायनिफ्राय 152 रान गोजानाव दं। केप्टेन रहित शर्माया 24 आरो यशस्वी जायसवालआ 16 रान बानायनानै नट आउट फैफिन्तो।

## श्रीलंकायाव लीजेन्डस क्रिकेट ट्रफी खुंगोन

गोदान दिल्ली, 26 फेब्रुवारी: लीजेन्डस लीग क्रिकेटनि नैथि सिजनआ 8 मार्चनिफ्राय श्रीलंकायाव जागायनो थांगसिनो। बे बोसोराव लीगनि गासैबो मेचफोरा श्रीलंकानि पल्लेकेले स्टेडियामाव गेलेनाय जागोन। लीगआव एरन फिन्व, क्रिस गेल, इउराज सिंह, हरभजन सिंह आरो गुबुनफोर बायदि गिदिदि मुंफोरबो थागोन। बे बोसोरनि बादायलायनाया 90-90 बलनि जागोन। बे

दोथोराव गासै मोनसि क्रिकेट दोलोफोरा बाहागो लागोन। बादायलायनाया 12 सानसिम सोलिगोन, जेराव गासै 22 मेचफोर गेलेनाय जागोन। बे बोसोराव लीजेन्डस क्रिकेट ट्रफीखौ स्टा र्स्पर्टसआव दिन्थियाव जागोन। डिन्नी स्टा र्स्पर्टसनि मावफुं बिथोनगिरि हेरी ग्रिफिथआ बुंदों, स्टा र्स्पर्टसआ क्रिकेट अनसायगिरिफोरनो मोनसे मोजां मोनदाथि होनायनि थाखाय मिथिजायो, आरो बे



टुनांमेन्टजों फोसावनाय साबसिन मोनदाथि होगोन। मुलुगनाडैनो फ्रेन्चाइजीफोरा देरहादोंमोन।

लीजेन्डस लीगआव बाहागो लागोन। बेयाव दुबाई जायन्ट्स, दिल्ली डेविल्स, राजस्थान किंग्स, केन्डी सैम्प आर्मी, एनवाइ सुपरस्टार स्ट्राइकर्स, पान्जाब रयाल्स आरो कलम्ब लायन्सआ दं। लीजेन्डस क्रिकेट ट्रफीनि गिबि सिजनआ भारतआव जादोंमोन। मोनद' हान्जाया बेयाव बाहागो लादोंमोन। इन्दर नाइटसआ गिबि सिजनखौ देरहादोंमोन।



आसाम सरकार  
फरायसालि सोलोथाइ बिफान



### मानगोनां बिमा-बिफा, दिथागिरि आरो नोगोरा

- सरस्वारि/सरस्वारि खालामजानाय फरायसालिनि थाखो सेनिफ्राय थाखो जिनि फरायसा-फरायसुलिनो सरस्वारा बेसेननाडै रोखोमसे खसाब (इउनिफर्म) होबो गासिनो
- साफ्रोमबो फरायसा-फरायसुलिया 600 रं बेसेननि ज'रानैये रोखोमसे खसाब (इउनिफर्म) मोनगोन
- रोखोमसे खसाब (इउनिफर्म) बायनाय आरो राननाय खामानिखौ फरायसालि सामलायया आफाद/ फरायसालि सामलायया आरो जौगाखां आफादनि जोहे मिरुआरि नडि खान्थिजों खालामनाय जायो
- सम सम सरस्वारा फोसावनाय बिथोनफोराव थि खालामनाय बादिये फरायसालिनि रोखोमसे खसाबनि (इउनिफर्म) गुनखो जों रोखा खालामनांगोन



**डॉ हिमन्त विश्व शर्मा**  
गिबि मन्थ्रि, आसाम

### मोनसे आर'ज

### मेखला-सादोर-दख'ना-पिक'क

#	मुवा-बेसाद	गोनाथिनि बिबां
1.	सादोर	खमसिन लाउथाइ: 275 से:मि.; खमसिन अरथाइ : 100 से:मि; फेब्रिक: कटन (खमसिन 90%), पलिप्टार (बांसिनै 10%) सिनि लिरथाइ: 220 ग्राम (फ्राम)
2.	मेखला	खमसिन लाउथाइ: 105 से:मि: (2.5 से:मि: गुस्थि सुथाबनाय आरो फारनैथिजाय 3 से:मि: सुथाबनायनि उनाव) खमसिन अरथाइ: 180 से:मि: फेब्रिक: कटन (खमसिन 90%), पलिप्टार (बांसिनै 10%) सिनि लिरथाइ: 245 ग्राम (फ्राम)
3.	सारि	खमसिन लाउथाइ: 550 से:मि.; खमसिन अरथाइ: 125 से:मि: सिनि लिरथाइ: 450 ग्राम (फ्राम) फेब्रिक: कटन (खमसिन 90%), पलिप्टार (बांसिनै 10%)
4.	दख'ना	खमसिन लाउथाइ: 3.10 मिटार, खमसिन अरथाइ: 1.40 मिटार
5.	पिक'क	पिक'कनि लाउथाइ: 1 मिटार 25 से:मि.; पिक'कनि अरथाइ: 85 से:मि:
6.	ब्लाउज	1. फेब्रिक: रुबीया, 2. थादेरसा: पलिप्टार-70%, कटन-30%, 3. दानायनि रोखोम: सादा, 4. दाथाइ: थि जखाबादि

### 5 मार्स 2024 खालारनि गेजेराव साफ्रोमबो फरायसा-फरायसुलिया ज'रानैये गुनगोनां रोखोमसे खसाब(इउनिफर्म) मोननायखौ रोखा खालाम

फरायसालि सोलोथाइ बिफान, आसाम सरकार

